

ҚАРШИЛИКЛАР НЕГА НОРОЗИ?

Муносабат | 3 с

МАРКАЗ ЖУРНАЛИСТ ВА БЛОГЕРЛАРГА СУЯНЯПТИ!

Жараён | 3 с

КАТТА САҲНАЛАРНИ ЛАРЗАГА СОЛГАН ТИЛ

4 с

INSON O'ZGARSA - JAMIYAT O'ZGARADI

ЎЗБЕКИСТОН «МИЛЛИЙ ТИКЛАНИШ» ДЕМОКРАТИК ПАРТИЯСИНING ИЖТИМОЙ-СИЕСИЙ ГАЗЕТАСИ



milliy

tiklanish



№ 47 (1097) 2020 йил 3 декабрь, пайшанба

1995 йил 10 июндан чиқа бошлаган www.mt.uz / mtiklanish@mail.ru / mtiklanish@bk.ru

НЕЧТА ТАКЛИФ ИНОБАТГА ОЛИНДИ?

ФРАКЦИЯ ДЭЗОЛАРИНИНГ ТАКЛИФИ БИЛАН ЖАМҒАРМАГА ҚУҚУМАТ МЎЛЖАЛЛАГАНИДЕК 30 МЛРД. СЎМ ЭМАС, 62.5 МЛРД. СЎМ АЖРАТИЛАДИГАН БЎЛДИ. МАКТАБГАЧА ТАЪЛИМ-ТАШКИЛОТЛАРИДА КЕЛАЖАГИМИЗ ПОЙДЕВОРИ БЎЛГАН ЯНГИ АВЛОД ШАКЛЛАНДЎРГАН ЭЪТИБОРГА ОЛИНИБ, ТАРБИЯЧИ-ПЕДАГОГЛАР МАОШИНИ 20 ФОИЗГАЧА ОШИРИШ БЕЛГИЛАНДИ.



Янги туғилган чақалоқлар эшитиш қобилиятининг универсал скринингини ўтказиш синов лойиҳаси бошланди

15 ёшгача бўлган болаларда эшитиш қобилиятини йўқотиш ҳолатларининг 60 % ни профилактика чоралари ёрдамида олдини олиш мумкин. Агар эшитиш қобилиятида нуқсон бор болага умрининг дастлабки уч йилида ёрдам кўрсатилмаса, бундай бола нутқ билан боғлиқ муаммоларга дуч келишининг эҳтимоли катта бўлганлиги туфайли, вақт ўтиб, қар ва соқов бўлиб қолиши мумкин. Шунинг учун эшитиш қобилиятидаги нуқсонларни ўз вақтида аниқлаш керак, бу йўналишдаги энг самарали усуллардан бири – янги туғилган чақалоқларнинг эшитиш қобилиятини универсал скринингдан ўтказиш ҳисобланади.

Давоми 2-бетда

5. ВАЗИР ДЕПУТАТЛАРНИ ИШОНТИРА ОЛДИМИ?

3 **САМАРҚАНДДА ҲАМ «КЛУБ» ОЧИЛДИ**

4 **ҚАНЧА ОДАМ ҚУЛЛИҚДА ЯШАМОҚДА?**



Навоийда «Қизлар овози» форуми

Навоий шаҳридаги «Ёшлар маркази»да хотин-қизларнинг ижтимоий-сиёсий ҳаётдаги фаоллигини ошириш, жамиятда гендер тенгликни таъминлаш, ёш хотин-қизларнинг руҳий ва маънавий эзриқишининг олдини олиш мақсадида «Қизлар овози» клубининг вилоят форуми бўлиб ўтди.

Президентимизнинг 2019 йил 27 декабрдаги ёшлар билан учрашувида кўтарилган ёш оилалар ажримининг сабаб ва оқибатларини танқидий-таҳлил қилиш, ёш хотин-қизлар билан ишлашнинг замонавий модулини яратиш, уларнинг ижтимоий-сиёсий саводхонлигини ошириш мақсадида «Қизлар овози» платформаси доирасидаги лойиҳаларга старт берилиб, қанчадан қанча истеъдодли қизлар бир мақсад атрафида бирлашди. Қарийб, бир йил давомида 8 та йўналишни ўз ичига олган «Қизлар овози» клуби турли лойиҳаларни амалга оширди.

Давоми 2-бетда

ХАЛҚИМИЗНИ РОЗИ ҚИЛИШ БОШ МАҚСАДИМИЗДИР



Мурод ҚУРБАНОВ, Қорақалпоғистон Республикаси Соғлиқни сақлаш вазир

Бугунги туб ўзгаришлар даврида бошқа соҳалар қатори соғлиқни сақлашда ҳам изчил ислоҳотлар олиб борилмоқда. Айниқса, аҳолига кўрсатилаётган бирламчи тез тиббий ёрдам, ихтисослаштирилган хизматлар сифатини яхшилаш, тиббиёт муассасаларини арзон, аммо сифатли дори-дармон ва тиббий буюмлар билан таъминлаш ҳамда хусусий тиббиётни ривожлантириш борасидаги ишлар шулар жумласидандир.

Айни пайтда Қорақалпоғистон Республикасининг 1,9 миллиондан зиёд аҳолисига 38 та стационар (шундан 22 та республика, 17 та шаҳар ва туманлар таркибидаги тиббий муассаса, 6 та диспансер ва 12 та марказ) ва 146 та амбулатория-поликлиника шифохоналари томонидан тиббий хизмат кўрсатиляпти. Шунингдек, 35 та қишлоқ врачлик пункти, 69 та қишлоқ ва 9 та шаҳар оилавий поликлиникаси, 17 та кўп тармоқли марказий поликлиника, 1 та шаҳар, 16 та туман тиббиёт бирлашмаси ҳамда марказий шифохоналар таркибидаги 16 та тез тиббий ёрдам бўлимларида 4 минг 305 нафар шифокор, 18 минг нафарга яқин урта бўғин тиббиёт ходими фаолият олиб бормоқда.

Давоми 6-бетда



«Бизларни унутмангиз...»

shda jadidchilik harakati va Mahmudxo'ja Behbudiy ma'naviyatini mavzusidagi KONFERENSIYASI

НОҲАҚ ОТИЛГАН ШИФОКОР

7

✓ «Эл-юрт умиди» фонди учун келаси йили ажратиладиган маблағ икки баробарга оширилди. Яъни, жамғармага ҳукумат таклиф қилганидек 30 млрд.сўм эмас, 62,5 млрд.сўм ажратиладиган бўлди. Мактабгача таълим ташкилотларида келажакимиз пойдевори бўлган янги авлод шаклланаётгани эътиборга олиниб, тарбиячи-педагоглар маошини 20 фоизгача ошириш белгиланди.



Ниҳоят Олий Мажлис Қонунчилик палатаси депутатлари «2021 йил учун Ўзбекистон Республикасининг Давлат бюджетни тўғрисида»ги қонун лойиҳасини қабул қилдилар.

Таъкидлаш жоизки, ушбу муҳим қонун лойиҳаси юзасидан барча сиёсий партияларнинг фракциялари ўз позицияларидан келиб чиқиб, бир қатор таклифларни билдирган эдилар. Хусусан, биринчи ўқиш билан иккинчи ўқиш оралағида ўтган йиғилишларда 100 га яқин таклифлар билдирилди.

Муҳокамалар натижасида қонун лойиҳасининг бир қатор нормаларига аниқлаштирувчи тузатишлар киритилганидан ташқари, тегишли моддаларга 23 та принципал ўзгартиш ва қўшимчалар ҳам қўшилди.

Депутатлар таклифи билан қонун лойиҳаси битта мутлақо янги модда билан ҳам тўлдирилди. Шу ўринда Ўзбекистон «Миллий тикланиш» демократик партияси фракцияси аъзоларининг таклифи билан

Давлат бюджети лойиҳасида умумтаълим мактабларини жиҳозлаш учун қўшимча 100 миллиард сўм, «Эл-юрт умиди» фондига қўшимча 32,5 миллиард сўм, Ахборот-кутубхона марказларида кутубхона фондиди янгилаш ва тўлдириш учун 5 миллиард сўм маблағ ажратилиши белгиланганини таъкидлаш жоиз.

Яъни, «Эл-юрт умиди» фонди учун келаси йили ажратиладиган маблағ икки баробарга оширилди. Яъни, жамғармага ҳукумат таклиф қилганидек 30 млрд.сўм эмас, 62,5 млрд.сўм ажратиладиган бўлди. Мактабгача таълим ташкилотларида келажакимиз пойдевори бўлган янги авлод шаклланаётгани эътиборга олиниб, тарбиячи-педагоглар маошини 20 фоизгача ошириш белгиланди.

Шунингдек, келаси йилда таълим объектиларини лойиҳалаштириш, қуриш (реконструкция қилиш) ва жиҳозлаш учун қарийб 1,8 трлн.сўм ажратиш, бунда мактабларда замонавий шарт-шароитга эга бўлган ошхона ва спорт залларини қуриш, мавжудларини эса таъмирлаш кўзда тутилгани маълум қилинди.

– Президентимиз уйғониш даврининг остонаси мактабдан бошланишини кўп бора таъкидлаётганлари беҳиз эмас, – дейди Олий Мажлис Қонунчилик палатаси Спикери ўринбосари, «Миллий тикланиш» демократик партияси фракцияси раҳбари Алишер Қодиров. – Мамлакатимизда таълим-тарбия, илм-фан соҳасидаги ислохотларга катта эътибор қаратилаётгани Ўзбекистоннинг бугуни эмас, эртанги фаровон келажакимизни таъминлаш мақсади билан боғлиқдир. Шу маънода, фракцияимизнинг 2021 йилги давлат бюджетидега ўз аксини топган учта таклифи ҳам айнан фаровон келажакимиз билан боғлиқдир.

Йиғилишда депутатлар кўтарган ҳар бир муаммо юзаси-

дан тегишли вазирлик ва идораларнинг раҳбарлари батафсил ва талабларни қондириш мазмунидеги жавобларни бердилар.

Шу билан бирга, халқ вакилларининг Давлат бюджетни тармақларининг манбалари ва харажатларини таҳлил қилиш натижасида давлат дастурлари доирасида ажратилиши лозим бўлган маблағларни 2021 йил бюджетидега акс эттиришга эришилди.

Жумладан, соғлиқни сақлаш тизимини ислоҳ қилиш, аҳолининг соғлом овқатланишини, тиббий профилактика ишлари самардорлигини янада ошириш, бирламчи тиббий-санитария ёрдами муассасалари фаолиятига янги механизмларни жорий қилиш харажатларига 63,4 миллиард сўм, юриш, югуриш, мини-футбол, велоспорт, бадминтон, стритбол ва «Workout» спорт турларини ривожлантириш дастурига 104 миллиард сўм маблағ ажратиладиган бўлди.

Шунингдек, қелгуси йилларда тамаки маҳсулотлари учун акциз солиғидан келадиган тушумларни ҳудудларга республика аҳолиси улушига мувофиқ тақсимланишини ҳамда Молия вазирлиги, Давлат солиқ қўмитаси ва Давлат божхона қўмитаси тегишли вазирлик ва идоралар билан биргаликда амалдаги солиқ имтиёзларини тўлиқ хатловдан ўтказган ҳолда қайта қўриб чиқиш ва уларни бекор қилиш юзасидан таклифлар билдирилди.

Мажлисда бош молиявий ҳужжат лойиҳаси қизгин муҳокама қилиниб, парламент вакилларининг саволларига молия вазирли Т.Ишметов, тегишли вазирлик ва идораларнинг масъуллари атрафлича жавоб қайтардилар.

Қизгин баҳс-мунозара ва савол-жавоблардан сўнг қонун лойиҳаси Сенатга юбориладиган бўлди.

Р.МАҲМУДОВ тайёрлади.

Тошкентда янги туғилган чақалоқлар эшитиш қобилиятининг универсал скринингини ўтказиш синов лойиҳаси бошланди



Агар биринчи босқичда эшитиш қобилиятининг нуқсонлари аниқланса, болаларга эшита олишлари ва нутқни ривожлантиришга олишлари ёрдам бериш мумкин. Агар эшитиш қобилиятидаги нуқсон бола туғилгандан сўнг 3-5 кунда аниқланса, мутахассисларнинг тавсияларига кўра, 15-30 кун болани махсус текширувдан ўтказиш ва тегишли чораларни қўриш керак.

«Замин» фонди Соғлиқни сақлаш вазирлиги ва Республика ихтисослаштирилган педиатрия илмий-амалий тиббиёт маркази (РИПИАТМ) билан ҳамкорликда йилга 70 000 дан зиёд чақалоқ дунёга келадиган Тошкент шаҳрида синов лойиҳасини бошлади. Тиббиёт муассасаларида ўтказилаётган скринингнинг мониторинг ва таҳлил қилиш учун лойиҳа доирасида онлайн тизим ишга туширилди. 19 нафар шифокор ва 38 нафар ҳамшира Германиялик мутахассислар тарафидан ўтказилган тренинг-семинарларда муваффақиятли иштирок этди.

Янги туғилган чақалоқлар шаҳардаги 4 та болалар шифохонасида ва барча 15 та туғруқ марказларида эшитиш қобилиятининг скрининг текширувидан ўтказилиши мумкин. Эшитиш қобилиятининг

нуқсон аниқланса, ҳар бир чақалоққа махсус диагностикадан ўтиш ҳамда эшитиш ва нутқни ривожлантиришга қаратилган зарур чораларни кўриш учун РИПИАТМ га йўлланма берилади.

Эшитиш қобилиятининг скринингидан ўтган янги туғилган чақалоқлар туғрисидаги маълумотлар РИПИАТМ қошида яратилган трекнинг-марказда тўплангани ва қайта ишланади.

Ушбу лойиҳа 1 йиллик синов муддатидан муваффақиятли ўтгандан сўнг республикамиздаги барча туғруқ марказларида тадбиқ қилинади. 2020 йил 2 декабрь кунини Республика ихтисослаштирилган педиатрия илмий-амалий тиббиёт марказида эшитиш қобилиятининг скринингини ўтказиш синов лойиҳасининг тақдими бўлиб ўтди. «Замин» фонди вазирлик кенгаши раиси Зироат Мирзиёева лойиҳанинг дастлабки натижалари билан танишди, туғруқ марказлари шифокорлари ва янги туғилган чақалоқларнинг ота-оналари билан суҳбатлашди, уларга энг эзгу тилакларини билдирди. Шунингдек, тиббиёт ходимларига мардонавор меҳнатлари учун алоҳида миннатдорчилик билдирилди.

ЎЗА

(Бошланиши 1-бетда)

Навоийда «Қизлар овози» форуми



– «Қизлар овози» клуби аъзолари хотин-қизларни қўллаб-қувватлашга оид давлат сиёсатини амалга оширишдаги муаммо ва ечимлар, норматив-ҳуқуқий ҳужжатларда акс этган, бироқ амалда ёш хотин-қизлар ҳуқуқ ва манфаатларини таъминлаш, оилаларда миллий кадрият, ёш хотин-қизларнинг ахлоқий меъёрлари масалалари бўйича ўзларининг креатив гоялари билан аслида бир эзгу мақсад атрофида эканликларини кўрсата олди. Ва бу ўзининг ижобий натижасини бермоқда.

Шу сабаб жорий йилда барча шаҳар-туманларда ушбу клубнинг фаолияти йўлга қўйилди. Шунингдек, айни пайтда, «Қизлар овози» клуби вилоят координаторларига муносиб қизларнинг сараланётганлиги ҳам жамиятда хотин-қизларга қаратилаётган эътиборнинг ёрқин намунаси. – дейди Ўзбекистон Ёшлар ишлари агентлиги Навоий вилояти бошқармаси матбуот котиби Дилноза Абдухамидова.

Форум доирасида координаторликка номзод қизларнинг лойиҳалари тингланди. Жумладан, Навоий давлат педагогика институти 4-босқич талабаси, «Меҳр-саховат» кўкрак нишони соҳибаси Барно Ҳасанова «Ижтимоий ҳимоя қатламидаги хотин-қизларни қўллаб-қувватлаш», Навоий давлат педагогика институти 2-босқич талабаси Баҳора Сафарова «Шарқона гендер тенглик», Навоий давлат педагогика институти магистранти, «Меҳр-саховат» кўкрак нишони соҳибаси Шарофат Турсунова «Экологик маданият ва унда хотин-қизларнинг ўрни», Навоий давлат педагогика институти 2-босқич талабаси, «Йил талабаси – 2020» кўрик-танлови ғолиби Гулҳаё Равшанова «Хотин-қизлар бандлиги бўйича «Еш бизнесмен қизлар» Кенгашини тузиш» лойиҳаси билан иштирок этди.

Турли баҳс-мунозаралар, савол-жавоблар, шунингдек, ошкоралик, шаффофлик ва адолатлилик тамойили асосида овоз бериш йўли билан «Қизлар овози» вилоят координаторлигига ўз билими, тиришқоқлиги, истеъдоди ва иқтидори билан Гулҳаё Равшанова муносиб деб топилди.

Шунингдек, тадбир якунида бир қатор ҳамкор ташкилотлар ҳамда фаол қизлар Ўзбекистон Ёшлар ишлари агентлиги вилоят бошқармасининг «Ташаккурнома»си билан тақдирланди.

Эслатиб ўтамоқчи, «Қизлар овози» II Республика Форуми Навоий вилоятида ўтказилади.

Абдували БУРИЕВ, ЎЗА

Пандемия ва депутат зиммасидаги масъулият

Таҳлилчиларнинг қайд этишларича, пандемиянинг дунё сайёҳлик тизимига етказган зарари 2020 йилнинг биринчи ярмидагина 460 млрд. доллардан ошган. Бу 2009 йили кўхна қитъада бошланиб, бутун дунёга тарқалган жаҳон молиявий-иқтисодий инқирозни келтирган зарардан 5 марта кўпдир. Мутахассислар агар вазият шу тарзда давом этаверса, йил якунига бориб, 245 млн. та иш ўрни йўқолиши ва туризм соҳасидаги зарар 3,3 трлн. долларга етиши мумкинлигини айтишмоқда. Бу эса дунё ЯИМининг 4,2 фоизи деганидир.



Бундай оқибатларнинг олдини олиш учун турли давлатлар турлича йўللари қидирмоқдалар. Ўзбекистонда эса ана шундай мураккаб вазиятда Ҳукумат томонидан пандемияга қарши курашиш, унинг олдини олиш ва оқибатларини юмшатиш борасида ўзига хос чора-тадбирлар белгиландики, бу, шубҳасиз, касалликлар билан боғлиқ кўрсаткичларда ҳам акс этмоқда.

Мазкур жараёнда сиёсий партиялар ва албатта улардан сайланган депутатлар ҳам фаол иш олиб бормоқдалар. Жумладан, халқ вакиллари пандемия шароитида қабул қилинган норматив-ҳуқуқий ҳужжатлар ижросини таъминлаш, уларнинг мазмун-моҳиятини жамоатчиликка ет-

казиш, аҳолини зарур ва арзон нархдаги дори-дармон ва тиббий буюмлар билан таъминлашни устидан депутатлик назоратини ўрнатиш, бозор ва савдо шаҳобчаларида озиқ-овқат маҳсулотлари етишмовчилиги ёки нархларининг сунъий ошиб кетиш ҳолатларини доимий тарзда ўрганиб, ўз хулосаларини маҳаллий ҳокимликларга етказмоқдалар.

Халқ депутатлари маҳаллий Кенгашларидаги Ўзбекистон «Миллий тикланиш» демократик партиясининг депутатлик гуруҳлари ҳамда депутатлари томонидан ҳам жойларда тизимли ишлар олиб борилапти.

Хусусан, пандемия даврида депутатларимиз томонидан 3256 та дорихона, 692 та бозор ҳамда 7896 та савдо мажму-

лари (шаҳобчалари) фаолияти ўрганилди. 560 га яқин мансабдор шахсларнинг ахборот ва ҳисоботлари эшитилди. «Уйма-уй» лойиҳаси доирасида 77401 та оила камраб олиниб, 400 минг нафарга яқин фуқароларга жами 6 млрд. 608 млн. 519 минг сўм миқдорда моддий ёрдам кўрсатилди. Шунингдек, «Саховат ва кўмак» умумхалқ ҳаракати доирасида ҳам депутатларимиз фаол иш олиб бордилар.

Абу Муслим УСМАНОВ, Ўзбекистон «Миллий тикланиш» демократик партияси Марказий кенгашининг Депутатлик бирлашмалари ва БПТ билан ишлаш бўлими бош мутахассиси



Дили ва тили бир бўлмаган инсон юз тилни билса ҳам тилсиз саналгай.

Жалолиддин Румий



Фарход ЗАЙНИЕВ,
Олий Мажлис Қонунчилик палатаси депутаты,
Ўзбекистон «Миллий тикланиш» демократик партияси фракцияси аъзоси

ҚАРШИ ШАҲАР АҲОЛИСИ СУВ ТАЪМИНОТИ ТИЗИМИДАН НЕГА НОРОЗИ?

Яқинда Қарши шаҳри аҳолисининг мурожаатларидан келиб чиқиб, масъуллар иштирокида сув таъминоти тизимидаги муаммоларни ўргандик.

Тақдим этилган маълумотларга кўра, 275 минг фуқароси бўлган шаҳарга кунига 76 минг м³ сув етказиб берилмоқда. Бу киши бошига кунига 276 литрдан тўғри келади, дегани. Таҳлилларга кўра, ушбу кўрсаткич бошқа шаҳарларга нисбатан анча юқори ҳисобланади. Бироқ шунга қарамадан, аксарият истеъмолчиларга сув умуман етиб бормаяпти ёки маълум бир соатда етказиб берилаяпти, холос. Хўш, муаммонинг илдизи нимада?

Мутахассисларнинг қайд этишларича, собиқ иттифоқ даврида яратилган сув таъминоти тизими бугун мутлақо яроқсиз ҳолатга келиб қолган. Ҳозирда ичимлик сувини йўқотиш даражаси ўртача 30 фоизни ташкил қилмоқда. Яъни, йиллик ҳисобда истеъмолчиларга 8322 минг м³ сув етиб бормаган ва "Ўзсувтаъминот" АЖ бундан йилига 8,13 млрд. сўм миқдорда (ҳисоблагич

бўйича 1 м³ ичимлик суви 975 сўм) зарар кўрмоқда.

Бундай молиявий йўқотиш "Ўзсувтаъминот" фаолиятига жиддий таъсир кўрсатмоқда, албатта. Маълумотларга кўра, вилоятда сув тўловлари бўйича жами қарздорлик 34,8 млрд. сўмга (Қаршида 18,3 млрд. сўм) етган. Энг оғриқли томони ушбу маблагнинг 92 фоизи аҳолидан ундирилмаган қарздор. Бундай катта қарздорлик билан эса яроқсиз ҳолатга келиб қолган қувурларни янгисига алмаштириб бўладими? Йўқ, албатта!

Таъкидлаш жоиз, мавжуд муаммоларга қарамай, "Ўзсувтаъминот" томонидан бир қатор ишлар амалга оширилляпти. Хусусан, Қарши шаҳри ичимлик суви таъминоти тизимини реконструкция қилиш бўйича 2020-2022 йилларга мўлжалланган лойиҳа ишлаб чиқилиб, у уч босқичда амалга ошириляпти. Биринчи босқич ишлари давлат бюджети маблағлари ҳисобидан бажарилиб, 2020 йил якунига қадар ижроси таъминланади. Навбатдаги босқичда давлат-хусусий шерикчилиги асосида ин-

весторларни жалб этиш зарарда тутилган. Агар лойиҳа тўлиқ ишга туширилса, 98 фоиз аҳоли 24 соат давомида ичимлик суви билан таъминланади.

Аммо ўрганишлар жараё-

н бўшқача айтганда, бу жараён шаҳар ички йўлларининг сифати ёмонлашувига ва йўлларни қайта тиклаш учун ортиқча харажатлар сарфланишига олиб келмоқда.

Соҳада рақамлаштириш

имкони ҳам мавжуд эмас.

Яна бир муҳим масала: ичимлик суви билан таъминланмаган аҳолига сув етказиб бериш хизматининг нархи, сифати ва доимийлиги тизимли тарзда мониторинг қилинмаяпти. Шаҳардаги деярли барча сув ташувчи махсус автомашиналар хусусий секторга тегишли бўлиб, ҳудудларга ичимлик суви етказиб бериш нархи ўртача 5 м³ учун 70-150 минг сўмни (қиёс учун "Ўзсувтаъминот" АЖга қарашли сув тарқатиш шаҳобчаларида 5 м³ сувнинг нархи 15 минг сўм) ташкил қилмоқда.

Энг таажжубланарлиси, соҳада ичимлик сувидан фойдаланишни назорат қилиш инспекцияси ташкил этилган бўлса-да, бундай ташкилот борлигини одамлар сезишмаяпти ҳам. Натижада истеъмолчилар томонидан сувдан фойдаланиш қоидаларига амал қилиниши, ичимлик сувини йўқотишнинг белгиланган меъёрига риоя этилиши ҳамда таъминот тизимига ўзбошимчалик билан уланишларни аниқлаш ва аварияларни ўз вақтида бартараф этишни назорат

қилиш борасидаги ишлар тўғрисида тахлилий маълумотлар мавжуд эмас. Дебитор қарздорликларни ундириш бўйича ҳам самарали чоралар кўрилмаётгани боис корхонада айланма маблағлар етишмаяпти.

Хулоса қилиб айтганда, ичимлик суви таъминоти тизимидаги муаммоларни бартараф этиш учун энг аввало инвестициялар жалб этиш, корхонада харажатлар шаффофлигини таъминлаш, амалга ошириляётган ишлар юзасидан давлат ва жамоатчилик назоратини кескин кучайтириш керак. Режадаги ишлар фақат қоғозларда акс этмаслиги учун, маҳаллий ҳокимият вакиллик органлари депутатлар билан биргаликда ичимлик суви таъминоти ва оқова сув соҳасида инвестиция лойиҳаларини саралаш, амалга ошириш ҳамда уларнинг натижадорлиги бўйича доимий мониторинг олиб боришлари мақсадга мувофиқдир.

Акс ҳолда, Қарши шаҳри аҳолиси тизим мутасаддиларидан норизо бўлиб қолаверадилар. Бу эса туб ўзгаришлар даври талабига зиддир.

Қарши шаҳри ичимлик суви таъминоти тизимини реконструкция қилиш бўйича 2020-2022 йилларга мўлжалланган лойиҳа ишлаб чиқиб, у уч босқичда амалга ошириляпти. Биринчи босқич ишлари давлат бюджети маблағлари ҳисобидан бажарилиб, 2020 йил якунига қадар ижроси таъминланади.

нида ушбу лойиҳани амалга оширишга тўсиқ бўлаётган бир қатор масалалар борлиги ҳам маълум бўлди. Хусусан, иккинчи ва учинчи босқичларни амалга ошириш 2021-2022 йилларда белгиланган бўлса-да, ҳанузгача инвесторлар аниқланмаган. Шунингдек, сув таъминотидаги носозликларни бартараф этиш учун қувурларни таъмирлаш ёки алмаштириш бошқа қурилиш ишлари билан тўлиқ уйғунлашмаган.

даражасининг пастлиги ҳам сув таъминоти тизимини самарали бошқариш ва сувнинг аниқ ҳисобини юритиш имконини бермаяпти. Гарчи маълумотларда шаҳар аҳолисининг 97 фоизи сув билан таъминланган деб кўрсатилса-да, аслида аҳолининг 7 фоизи тармоқда умуман уланимаган. 33 фоизига эса қувурлар орқали сув етиб бормаяпти. Бундан ташқари, тармоқдаги йўқотиш ва ноқуний уланишларни манзилли аниқлаш



«ТАРАҚҚИЁТ СТРАТЕГИЯСИ» МАРКАЗИ НЕГА АЙНАН ЖУРНАЛИСТ ВА БЛОГЕРЛАРГА СУЯНЯПТИ?

— Жамиятимизнинг энг фаол қатлами ҳисобланган оммавий ахборот воситалари ходимлари, журналист ва блогерлардан келгуси йил Давлат дастури лойиҳаси учун тақлиф ва мулоҳазалар олиш мақсадида юзма-юз мулоқот ташкил этдик, — дейди Тараққиёт стратегияси маркази ижрочи директори Элдор Туляков. — Айни кунда Ҳаракатлар стратегиясининг 2021 йил учун Давлат дастури лойиҳасини тайёрлаш ишлари кетяпти. Бу жараёнда фуқароларимиз, тегишли вазирлик ва идора мутахассислари, бизнес доиралари ва фуқаролик жамиятининг бошқа институтлари вакиллари, ҳатто халқроқ экспертлар ҳам иштирок этишлари мумкин.

Мулоқотда таъкидланганидек, бугун журналистлар ва блогерлар турли даражадаги муаммо ва масалаларни дадил кўтариб чиқмоқдалар. Муаммолар ечимини топишнинг энг мақбул йўли эса, ушбу масалаларни Давлат дастурининг тегишли бандларига киритишдир. Бунда эса оммавий ахборот воситалари ходимлари ўзларини ўйлантираётган масалалар ва уларни тизимли, юқори даражада ҳал этилиши юзасидан ўз тақлифларини беришлари мақсадга мувофиқ.

— Давлат дастури қанчалик кенг муҳокамага қўйилса, унинг бандлари

шунчалик мукамал бўлиши табиий, — дейди ҳуқуқшунос-блогер Хушнуд Худойбердиев. — Тўғри, Давлат дастурига тақлиф бериш бир онда бўлиб қоладиган жараён эмас. Тақлифим — ижтимоий тармоқларда осон, енгил фикр оладиган механизмдан фойдаланиш керак. Яна шуни ҳам айтиш мумкинки, журналист ва блогерларнинг доимий кўтарилган муаммолари масалалари бор, уларнинг танқидий фикр ва тақлифларини ўрганиб ҳам олиш мумкин. Давлат дастуридаги ҳар бир банднинг янада халқчил бўлиши учун эса уларни ижтимоий тармоқларнинг аудиторияси кенгроқ гуруҳларида тарғиб қилиш, оммалаштириш зарур.

Мулоқотда журналист ва блогерлар томонидан амалдаги қонунчилик ижросини таъминлаш, ҳудудларда нарх-наво барқарорлиги, таълим, талабаларнинг турар жой муаммосига оид тақлифлари ҳам эшитилди. Шунингдек, ижарачининг ҳуқуқ ва мажбуриятлари, ижарага бериш тартибларининг янгича тартибини жорий қилиш зарурлиги ҳам таъкидланди.

Тадбирда Давлат дастури лойиҳасига оид тақлиф ва мулоҳазаларни интернетдаги <http://taklif.strategy.uz> сайтида қолдириш мумкинлиги маълум қилинди.

Вилоятхон ШОДИЕВА,
«Миллий тикланиш» муҳбири

Фуқаронинг 40 млн. 61 минг сўми ундириб берилди

Фарғона вилояти, Учкўприк тумани, Буйрак қишлоғилик Аҳаджон Юлдашевдан Олий Мажлис Қонунчилик палатаси депутати Фарида Бўтаевага Ташаккурнома келди.

Фуқаронинг маълум қилишича, 2018 йилнинг июнида унга тегишли озиқ-овқат дўкони йўл қурилиши муносабати билан бузилган ва суд томонидан унга 40 млн. 61 минг сўм миқдорда товон пули тулаш тўғрисида қарор чиқарилган. Лекин мулк эгаси икки йилдан буён шу пулни ололмади келаётган экан. Ниҳоят ушбу масала депутатнинг аралашуви билан ҳал бўлибди.



Янги вазир янгича иш юритяптими?

Олий Мажлис Қонунчилик палатаси депутати Жамшид Қосимовга Қамаш туманидаги Ёртепа ва Қишлоқ МФЙ ҳудудида тез тиббий ёрдам хизматини йўлга қўйиш учун махсус автотранспорт ажратиш масаласида ёрдам сўраб мурожаат қилишган эди. Шундан кейин депутат ушбу масалада Соғлиқни сақлаш вазирига депутатлик сўрови жўнатди. Маълум бўлишича, ушбу сўровга вазир А.Хаджибоев имзоси билан жавоб келибди.

Унда таъкидланганича, вазирлик томонидан юқорида номи кўрсатилган маҳаллалар аҳолиси талабидан келиб чиқиб, 2 та тез тиббий ёрдам машинаси ажратиш белгиланган ва машиналар йил охиригача етказиб берилади.



САМАРҚАНДДА ҲАМ ДАРВОЗА ОЧИЛДИ

Ўзбекистон «Миллий тикланиш» демократик партияси ташаббуси билан "Депутат аёллар клуби"нинг таъсис этилиши ҳудудларни ҳам ана шу ташаббусни қўллаб-қувватлашга ундади. Ушбу ҳудудда тез тиббий ёрдам хизматини йўлга қўйиш учун махсус автотранспорт ажратиш масаласида ёрдам сўраб мурожаат қилишган эди. Шундан кейин депутат ушбу масалада Соғлиқни сақлаш вазирига депутатлик сўрови жўнатди. Маълум бўлишича, ушбу сўровга вазир А.Хаджибоев имзоси билан жавоб келибди.

Унинг очилиш маросимида партия Марказий кенгаши раиси ўринбосари Феруза Муҳамеджанова иштирок этиб, янги тузилманинг келгуси фаолияти самарали бўлиши айнан депутат аёлларнинг фаол саъй-ҳаракатларига боғлиқ эканини таъкидлади.

Республика «Истиқболли авлод» ижтимоий ахборот маркази Самарқанд вилояти бўлими директори

М.Нажмиддинова эса мамлакатимизда одам савдоси, ноқонуний миграция ва маиший зўравонликка қарши курашишнинг долзарб масалалари, одам савдосидан жабр кўрганлар, заиф мигрантлар, маиший зўравонликка учраган шахслар ва уларни ҳуқуқий қўллаб-қувватлаш борасида айнан «Депутат аёллар клуби» фаолияти амалий натижалар беришига умид билдирди.

Тадбирда сўзга чиққан бошқа иштирокчилар ҳам мазкур клубнинг самарқандлик хотин-қизларнинг ҳуқуқ-манфаатлари таъминланишида муҳим ўрин тутишини эътироф этдилар.

Дилбар МУКУМОВА,
ЎзМТДП Самарқанд вилояти кенгаши «Аёллар қаноти» етакчиси

ОБУНА – 2021!
«МИЛЛИЙ ТИКЛАНИШ» ГАЗЕТАСИГА ОБУНА БОШЛАНДИ!
Обуна индекси 158



Ҳар қандай ишни бошлашдан аввал Аллоҳнинг
ризолигини ўйла, акс ҳолда қилган ишларингнинг
ҳаммаси беҳуда бўлиб, зое кетади.

Маҳмуд аз-Замаҳшарий

«Бизларни унутмангиз, мактаб-маорифни тараққий эттирингиз»

Ўзбекистон «Миллий тикланиш»
демократик партияси
Самарқандда Маҳмудхўжа
Беҳбудий таваллудининг
145 йиллигига бағишлаб
Республика илмий-амалий
конференциясини ўтказди

1919

Йилнинг ёзида Бухоро амирлигига
бўйсунувчи Қарши шаҳри зиндонига
туташган кимсасиз майдонда
мудҳиш воқеа юз берди: Худосиз
манкуртлар, ўзбек халқи тарихи
юзига қора парда тортишни ният
қилган жаллодлар тўрт бегуноҳ
инсонни қатл этдилар...



Мақтуллардан бири машҳур маърифатпарвар адиб, «Ойна» журналининг муҳаррири ва ношири Маҳмудхўжа Беҳбудий эди. Унинг икки шериги Мардонкул Шомоҳмуд ўғли ва Маҳмудхўжа Уринбой ўғли бўлиб, улар қаторида Қарши бегининг маҳрами, зиндонбон Аҳмад исмили киши ҳам бор эди. Айтишларича, жаллодлар маҳкумларни ўзлари учун қабр қазिशга мажбурлашган, улимлари олтидан эса уларнинг намоз ўқиб олишларига ҳам йўл қўймай, аввал Маҳмудхўжа Беҳбудий, сўнг бошқаларнинг бўйинларига пичоқ тортиб, бошларини танларидан жудо қилишган... Кейин эса марҳумларни чуқурга қўйиб, ўрни биланмасин учун ер билан текислаб юборишган...

Самарқанд шаҳрида ўтган «Миллий ўзликни англашда жадидчилик ҳаракати ва Маҳмудхўжа Беҳбудий маънавий меросининг ўрни ҳамда аҳамияти» мавзусидаги Республика илмий-амалий конференциясида маърифатпарвар бобомиз Маҳмудхўжа Беҳбудийнинг аянчли хотима тоған ҳаёт йўлига яна бир бор назар ташланди. Таваллудининг 145 йиллигига бағишланган тадбирда Беҳбудий авлодлари бўлмиш Назирхон, Шохруххон ва Фарруххон Беҳбудийлар ҳам иштирок этишди.

Ўзбекистон «Миллий тикланиш» демократик партияси фаолларининг таъкидлашларича, илмий-амалий конференция учун айнан Самарқанд ва шаҳардаги мусиқали драма театри бежиз танланмаган. Сабаби, жадидчилик ҳаракатининг етакчиси Беҳбудий бобомиз Самарқандда таваллуд тоған ва шу ерда ўзбек миллий драматургиясига асос солган.

Конференция «Миллий тикланиш» демократик партияси электорати бўлган хунармандлар маҳсулотлари кургазмаси билан бошланганини ҳам таъкидлаш жоиз. Анжуман доирасида «Қўли гул

уста» хунармандлар танлови ҳам ўтказилди. Усталар тайёрлаган миллий хунармандчилик маҳсулотлари намоишини анжуман иштирокчилари катта қизиқиш билан томоша қилдилар.

Шундан сўнг Республика илмий-амалий конференцияси ўз ишینی бошлади. Яқунланаётган йилнинг энг муҳим тадбирларидан бири сифатида эътироф этилган анжуманда партия Марказий Кенгаши раиси ўринбосари Феруза Мухамеджанова сўзга чиқиб, конференциядан кўзланган мақсад ва унинг бугунги кундаги аҳамиятига тўхтади. Нотиқнинг фикрича, Беҳбудийнинг бой маданият меросини ўрганиш зиёлиларимиз олдида турган энг муҳим вазифалардан биридир.

— Беҳбудийнинг «Ҳақ олинур, берилмас» деган олтин ибораси бугунги кунда ўз долзарблигини йўқотгани йўқ, — деди Ф.Мухамеджанова. — Айниқса, унинг ҳикматларида миллий ўзликни англашнинг бетақдор ифодасини кўрамыз. Унинг ҳаёт йўли, айниқса, ёшлар учун ибратли мактаб вазифасини ўтамоқда. Шўролар даврида Беҳбудий номи халқимиз хотирасидан ситиб чиқарилди, тилга олинган тақдирда ҳам «халқ душмани», «миллатчи», «Ватан хоини» каби турли бўхтонлар билан таърифланди. Энг ёмони, ўз ораимизда уни жоҳилликда, маърифатсизликда айблаган «олимпиклар» ҳам топилди. Ҳолбуки, тарих биз учун бутунлай акс маълумотларни тақдим қилар эди... Аммо шунга қарамай, Беҳбудийдан жуда катта маънавий мерос қолди.

Анжуманда Вазирад Маҳкамаси ҳузуридаги Қатагон қурбонлари хотираси давлат музейи директори, «Шаҳидлар хотираси» жамоат фонди раиси, партиядан халқ депутатлари Тошкент шаҳар Кенгашига сайланган депутат, профессор Бахтиёр Ҳасанов ҳам қатнашиб, «Маҳмудхўжа

Беҳбудий — Марказий Осиё жадид маърифатпарварлари йўлбошчиси» мавзусида маъруза қилди.

Б.Ҳасановнинг таъкидлашича, жадидларнинг қаратилган дастурлари асосан янги дунёвий халқ маорифи тармоғи ва олий таълимни шакллантириш, миллий матбуотни яратиш — газета ва журналлар чоп этиш, турли маърифий ва хайрия жамиятлари тузиш, миллий театр санъатини ривожлантириш, иқтидорли ёшларни Европа университетларида ўқитиш каби йўналишларни қамраб олган эди.

Фидойи ва жонқуяр зот бутун умрини миллий ўйғониш гоёсига бағишлаб, ўлгани жаҳолат ва қоқоқликдан олиб чиқиш, миллатимизни гафлат уйқусидан уйғотишга бахшида этган. Жадидларимиз «Илмдан бошқа нажот йўқ ва бўлиши ҳам мумкин эмас» деган ҳадиси шарифни ҳаётини эътиқод, деб билдилар. Улар миллий истиқлол, тараққиёт ва фаровонликка, аввало, маърифат орқали, дунёвий ва диний билим, замонавий илм-хунарларни чуқур эгаллаш орқали эришиш мумкин, деб ҳисобладилар.

Конференцияда партия Марказий кенгаши бўлим бошлиғи Дониёр Тошбоев ҳам сўзга чиқиб, Маҳмудхўжа Беҳбудийнинг одамлар дунёқараши ва турмуш тарзини ўзгартириш учун турли газета-журналлар, нашриёт, кулбуна ва театрлар ташкил этганига эътибор қаратди.

— Минг афсуски, ижтимоий тузум жадид боболаримизнинг эзгу мақсадларини амалга оширишга йўл бермади, — деди Д.Тошбоев. — Маърифат фидойилари жоҳил кимсаларнинг тухма-маломатларига дучор бўлдилар. Аввал чор ҳукумати, кейинчалик советлар уларни аёвсиз қувгин ва қатагон қилди. Ватанимиз озодлиги ва халқимиз

бахт-саодати йўлида жонини фидо қилган жадидларнинг илмий-маърифий, адабий-баддий мероси шу маънода ҳам беқиёс аҳамиятга эга.

Таваллудининг 145 йиллиги кенг нишонланаётган маърифатпарвар бобомиз Маҳмудхўжа Беҳбудий ўз вақтида биз учун икки

лари учун» ордени билан тақдирлагани ҳам халқимиз учун катта тўхфа бўлди.

Таъкидлаш жоизки, Самарқандда ўтган Республика илмий-амалий конференциясида Маҳмудхўжа Беҳбудий авлодларининг ҳам иштирок этиши, мавзу моҳиятини тўлақонли очиб,

Беҳбудий давлатимиз раҳбари ташаббуси билан мамлакатимизда маърифатпарвар боболаримизнинг маънавий меросини ўрганиш борасида амалга оширилаётган ишлар, аждодларимизга бўлган эътиборни мамнуният билан тилга олиб, айни пайтда маърифатпарвар бобомиз авлодлари истиқомат қилаётган Самарқандда «Миллий тикланиш» демократик партияси томонидан илк мартаба шундай тадбир ўтказилаётганини тарихий воқеа, деб атади.

Фаррух хон Беҳбудий эса Маҳмудхўжа Беҳбудий меросини чуқур ўрганиш, қўлғиналари билан танишиш, илмий ва докторлик ишларини қўпайтириш билан бирга, у кишининг номини абадийлаштириш мақсадида мамлакатимиздаги олий ўқув юрталарида, Самарқанд шаҳрининг марказий кўчаларидан бирига Маҳмудхўжа Беҳбудий номини бериш тақдирини билдирди. Бобоси истиқомат қилган Самарқанд шаҳридаги уйни музейга айлантириш, бу ишларни молиялаштириш чораларини кўриш зарурлигини таъкидлади.

Шу билан бирга, аждодларимиз хотирасига юксак ҳурмат кўрсатаётган «Миллий тикланиш» демократик партиясини ҳар жиҳатдан қўллаб-қувватлаб, унинг сафида бўлиш истагини билдирди.

Анжуман якунида «Қўли гул уста» танловининг голиб ва совриндорларига партиянинг фахрий ёрлик ҳамда эсдалик совгалари топширилди.

Самарқанд вилояти мусиқали драма театрида ташкил этилган Маҳмудхўжа Беҳбудий музейи ҳам конференция иштирокчилари эътиборидан четда қолмади. Улар бобомиз яшаган давр муҳити, алломанинг ҳаёти ва фаолияти билан боғлиқ барча маълумотлар ҳамда манзаралар акс этган музейни катта қизиқиш билан томоша қилишди.

Озода НОРИМОВА

”

Халқимизнинг тарихий, маданий ва илмий-интеллектуал меросини асраб-авайлаш, бойитиш ва янада қўпайтиришга қўмаклашиш, ўзбек халқининг бой тарихи ва маданиятини ўрганиш, уларни қамол топиб келаётган ёш авлод ўртасида кенг миқёсда тарғиб этиш, ёшларда тарихий мерос ва халқ авъаналарига чуқур ҳурмат, эҳтиром уйғотиш партия олдида турган энг муҳим вазифа ҳисобланади.


ЎЗБЕКИСТОН «МИЛЛИЙ ТИКЛАНИШ»
ДЕМОКРАТИК ПАРТИЯСИНING
САЙЛОВДИ ДАСТУРИДАН

эмас, тўрт тилни билиш зарур, деб бонг урган эдилар. Беҳбудийнинг ушбу давъати бугунга келиб ҳам долзарблигича қолмоқда.

Маълумки, Президентимиз Шавкат Мирзиёевнинг «Ўқитувчи ва мураббийлар байрами куни» муносабати билан бир гуруҳ ватандошларимизни муқофотлаш тўғрисидаги Фармонида Ватанимиз истиқлоли, халқимиз озодлиги ва эркинлиги йўлида фидойилик кўрсатиб, миллий таълим ва тарбия тизимини яратишга беқиёс ҳисса қўшган Абдулла Авлоний, Маҳмудхўжа Беҳбудий ва Мунавварқори Абдурашид-хоновларнинг «Буюк хизмат-

бобомиз ҳақидаги тасаввур ва тасуротларни янада бойитиш учун кенг имконият яратди. Тадбирда Беҳбудийнинг невар ва эваралари боболари улгайган оилавий муҳит уларнинг дунёқарашига катта таъсир ўтказганини таъкидладилар. Улар Беҳбудийнинг болалигидан адабиёт, тарих билан бирга сиёсатни ҳам чуқур ўргангани, газета ва журналлар орқали дунёда содир бўлаётган янгиликлардан мунтазам хабардор бўлиб боргани, аста-секин ўзи ҳам мақолалар ёзиб, уларда мактаб ва санъатни яхшилаш масалаларини илгари сурганини қайд этдилар.

Жумладан, Шохруххон



Қорақалпоқ тили деганда — саҳро сеҳри, сулувлуги мужассам, инсонни беихтиёр ўзига тортадиган тилни туямыз. Аслида биз дунёдаги ҳеч бир тилни бегона деб билмаймыз. Аммо, она тили, истаймизми-йўқми, ҳар биримизнинг юрагимиздан чуқур жой олган. Шундай экан, ўзбек ва қорақалпоқ тили ҳам айнан бир халқнинг тилидир. Зеро, бизнинг қалбларимиз бир, кунгилларимиз муҳаббат ришталари ила боғланган.

Тил — миллатнинг улкан бойлиги, беназир қадрияти ва бебаҳо мулки ҳисобланар экан, унда шу тил ижодкори бўлган халқ, элатнинг тарихи ва маданияти акс этади. Қорақалпоқ тили буюк алломаларимиз, шоирларимиз ва ёзувчиларимизга илҳом бахш этган, хуш овоз соҳиблари истеъдодини дунёга танитган, катта саҳналарни ларзага солган тил. Буни зинҳор унутмаймыз. Бугун қорақалпоқ тилига давлат тили мақоми берилганлигига 31 йил тўлди. Ушбу қутлуг айём билан халқимизни, забардаст қорақалпоқ элини чин дилдан муборакбод этамыз. Она тилимизнинг қадди тик, қадри баланд бўлсин!

Озоzbek НАЗАРБЕКОВ,
Маданият вазири



БМТ Бош қотиби
Антониу Гутерриш
Халқаро қулликка
қарши кураш
куни муносабати
билан сўзлаган
нутқида қулликда
яшаётган 40
миллион кишининг
71 фоизини
аёллар ва қизлар
ташқил қилишини
таъкидлади.

Дунёда қанча одам қулликда яшамокда?

— Бугун қуллик асли насаби бўйича жабр-зулм қилиш, болаларни мажбурлаб ишлатиш, мажбурий никоҳлар, қарз мажбуриятлари, шу жумладан, жинсий эксплуатация қилиш мақсадида одам савдоси, шунингдек, болаларни қуролли низоларга жалб қилиш кўринишида намоён бўлмоқда, — деди Гутерриш.

Бош қотибнинг таъкидлашича, аёллардан ташқари,

камбағал ва камситиладиган гуруҳлар, яъни ирққа ва этник озчиликлар қулликка энг кўп дучор бўлмоқда. Шу муносабат билан у БМТ аъзолари ва барча фуқаролик жамиятларини қуллик қурбонларини ҳимоя қилиш ва қўллаб-қувватлашга, шунингдек, ушбу «жирканч амалиётларга» қарши курашга жамоавий ҳисса қўшишни қўпайтиришга чақирди.



Буюк ақллар ўз олдиларига мақсад қўйишади,
қолганлар эса ўз истакларига эргашишади.

Вашингтон Ирвинг



Шерзод Шерматов
мактабларда
«Тарбия»
фани қандай
ўқитилаётгани
юзасидан
депутатларга
ҳисобот берди

ВАЗИР ДЕПУТАТЛАРНИ ИШОНТИРА ОЛДИ

Ўзбекистон «Миллий тикланиш» демократик партияси фракцияси ташаббуси билан ташкил этилган навбатдаги «Хукумат соати»да Халқ таълими вазири Шерзод Шерматов умумтаълим мактабларида янги жорий этилган «Тарбия» фани ўқитилишини ташкил этиш борасида амалга оширилаётган ишлар тўғрисида ахборот берди.

Маълумки, «Миллий тикланиш» демократик партияси фаоллари Сайловолди Чикишларида амалдаги таълим тизимида тарбиянинг ўрнини етарли эмас деб ҳисоблаб, «Оила – мактабга таълим – мактаб» даврини ўз ичига олган, тарбияни устувор ҳисоблайдиган тарбия ва таълим тизimini яратиш ташаббусини илгари сурган эдилар. Шундан келиб чиққан ҳолда партия таълим тизимида айрим дарсликларни мақбуллаштириш ҳисобига 1 синфдан 11 синфгача ўқитилайдиган «Тарбия» дарсини жорий этиш масаласини кун тартибига киритган эди.

Қувонарлиси шундаки, жорий йилнинг 6 июлида Вазирлар Маҳкамасининг «Умумий ўрта таълим муассасаларида «Тарбия» фанини босқичма-босқич амалиётга жорий этиш чора-тадбирлари тўғрисида»ги қарори қабул қилиниб, унда «Одобнома», «Ватан туйғуси», «Миллий истиқлол ғояси ва маънавият асослари» ҳамда «Дунё динлари тарихи» фанлари бирлаштирилиб, «Тарбия» фанини киритиш белгиланган эди. Ушбу муҳим қарор асосида 2020-2021 ўқув йилидан бошлаб, «Тарбия» фанини 1-9-синфларда ўқитиш йўлга

қўйилди. 10-11-синфларда эса мазкур фан 2021-2022 ўқув йилидан бошлаб жорий этиладиган бўлди.

Ш.Шерматов депутатларнинг «Тарбия» фанига ажратилган дарс соатлари ҳамда дарсликлар масаласидаги саволига жавоб қайтарар экан, умумий ўрта таълим муассасаларида «Тарбия» фани 1-9-синфларда ҳафтаига 1 соатдан, ўқув йили давомида эса 34 соат ўқитилишини маълум қилди.

– Шу кунгача «Тарбия» фанининг 1-9-синфларга мўлжалланган дарсликлари яратилди, – деди Вазир. – Ўқув-услубий таъминотнинг ахборот платформасини яратиш мақсадида эса интернет тармоғининг www.tarbiyam.uz доменида ўқитувчига услубий ёрдам кўрсатувчи фанга доир маълумотлар базаси ҳам яратилди. Унда ўқитувчилар учун фаннинг мақсад-вазифаларини очиб берувчи меъёрий-ҳуқуқий ҳужжатлар – фан концепцияси, Давлат таълим стандартлари, ўқув дастури, услубий тавсиялар, тақвим-режалар, фани ўқитишга доир технологиялар, дарс ишланмалари, қўшимча манбалар жойлаштирилмоқда.

– Ушбу дарсликларда ёшларни фикрлашга ўргатадиган, уларни миллий қадриятларимизга содиқ инсонлар этиб тарбиялашга хизмат қиладиган замонавий педагогик технологиялардан қай даражада фойдаланилган?

Республика таълим маркази директори Шухрат Саторов ушбу саволга жавоб берар экан, «Тарбия» фани-

нинг ўқув дастури ва дарсликларига ватанпарварлик, тадбиркорлик, иродалилик, мафкуравий иммунитет, меҳр-оқибатлилик, масъулиятлилик, бағрикенглик, ҳуқуқий маданият, инновацион фикрлаш, меҳнатсеварлик каби қуниқмаларни шакллантиришга алоҳида ургу берилганини таъкидлади.

Депутатлар таълим муассасаларида ўқувчилар орасида соғлом турмуш тарзини шакллантириш, бадантарбия, шахсий гигиена қоидаларига риоя қилинишини таъминлаш, соғлом ва тўғри овқатланишни тарғиб этиш борасида амалга оширилаётган ишлар билан ҳам қизиқдилар.

«Хукумат соати»да таъкидланганидек, айни пайтда халқ таълими тизимидаги 10 008 та умумий ўрта таълим муассасасида 6 млн. 236 минг ўқувчи таҳсил олаётди. Бугунги кун ўқувчи-ёшларининг ҳар томонлама баркамол улғайишларини назарда тутиб, вазирликда Соғлом овқатланишни ташкил этиш ва тиббий хизмат кўрсатишни мувофиқлаштириш шўъбаси ҳам ташкил этилган. Ушбу тузилма томонидан эса ўқувчиларнинг соғлом овқатланишини ташкил этишни янада такомиллаштириш, гигиена талабларига мос шарт-шароитлар яратиш, мактаб ошхонасини сифатли озиқ-овқат маҳсулотлари билан таъминлаш ва таомлар сифатини яхшилаш чоралари кўрилмоқда.

Тадбирда мактабда 7672 та спорт зали, 26584 та турли спорт майдончалари ва теннис кортлари борлиги таъкидланди. Президентимиз томонидан илгари сурилган Бешта муҳим ташаббус доирасида мактабларда турли йўналишдаги тўғарақлар ва китобхонлик клублари ташкил этилиб, уларга жами 3,9 млн. ўқувчи жалб этилган.

Депутатлар таълим тизимида олиб борилаётган ишларни янада ривожлантириш юзасидан вазирлик вакилларига тавсиялар ҳам бердилар. Муҳокамалар якунида бу борадаги ишлар юзасидан самарали парламент назоратини таъминлашга келишиб олинди.

Ўзбекистон «Миллий тикланиш» демократик партияси Марказий кенгаши Ахборот хизмати

Жарималар миқдори камайтириладими?

Автомобиллар сони тез суръатларда ошиб бораётган бир пайтда катта шаҳарлар марказларида автомобил транспортини белгиланган жойда қолдириш (парковка) муаммоси кўплай ҳайдовчилар учун долзарб масалага айланиб бормоқда. Бу масала, айниқса, пойтахтда яққол кўзга ташланмоқда.

Шаҳарда пуллик автотураргоҳлар етишмаслиги ёки ҳайдовчилар учун қулайлик яратиш (ҳолбуки бу орқали маҳаллий бюджетга яхшигина даромад ишлаш имконияти бор) мақсадида марказий кўчаларда йўл бўйларига оддий паркоматлар ўрнатилмаганлиги бир сабаб бўлса, белгиланмаган ёки рухсат этилмаган жойларда автомобил транспорт парковка қилингани учун «отни калласидек» жарималар белгиланганлиги табиий равишда кўплай ҳайдовчилар эътирозларига сабаб бўлмоқда.

Амалдаги қонунчиликка кўра, транспорт воситалари ҳайдовчиларининг тўхташ ёки тўхтаб туриш қоидаларини бузиш қоидаларини бузиш базавий ҳисоблаш миқдорининг (БХМ) уч баравари, яъни 668 минг сўм миқдорида жарима солишига сабаб бўлади. Айни ҳуқуқбузарликни маъмурий жазо қўлланилганидан кейин бир йил давомида тақрор содир этиш ҳайдовчига БХМнинг беш баравари (1 млн. 113 минг сўм) миқдорида, учинчи марта содир этилиши эса БХМнинг ун баравари (2 млн. 225 минг сўм) миқдорида жарима солинишига сабаб бўлади.

Солиштириш учун, Россияда тўхташ ёки тўхтаб туриш қоидаларини бузиш ҳайдовчига 3000 рубл (тахминан 415 минг сўм),

Украинада эса 510 украин гривнаси (тахминан 188 минг сўм)га тушади. Қўшни Қозоғистонда тўхтаб туриш қоидаларини бузган ҳайдовчи 24 минг танга (тахминан 589 минг сўм) жарима тўласа, Қирғизистонда эса бу қоида бузган ҳайдовчиларга нисбатан 3000 кирғиз соми (тахминан 369 минг сўм) жарима қўлланилади. Шунингдек, бу давлатларда (Қозоғистондан ташқари) мазкур ҳуқуқбузарликни тақроран содир этиш жарима миқдорини ўзгартиришига сабаб бўлмайди.

Кўриниб турибдики, тўхташ ёки тўхтаб туриш қоидаларини бузиш ҳоллари учун белгиланган энг юқори жарима миқдори бизда. Агар бу жарима аҳолининг ўртача даромадлари нуктаи назардан солиштирилса, бу фарқ янада ошиши аниқ.

Шу боис, Олий Мажлис Қонунчилик палатасининг Мудрофаа ва ҳавфсизлик масалалари қўмитаси томонидан транспорт воситалари ҳайдовчиларининг тўхташ ёки тўхтаб туриш қоидаларини бузиш ҳолати учун белгиланган жарима миқдорларини камайитириш таклифи илгари сурилмоқда. Қўмита таклифига асосан, мазкур ҳуқуқбузарлик учун жаримани БХМнинг бир баравари (223 минг сўм) миқдорида белгиланган тўтилмоқда. Шунингдек, ҳуқуқбузарлик тақроран содир этилганда жарима миқдорини ошиши ҳам бекар қилиниши кутилмоқда.

Ҳозирда қўмита аъзоси, депутат Фарход Ашматов томонидан Ўзбекистон Республикаси МЖТКнинг 128 6-прим моддасига тегишли ўзгаришлар киритилишини кўзда тутувчи қонун лойиҳаси ишлаб чиқилмоқда.

ЎЗА



ФИРИБГАРЛИК ФОШ ЭТИЛДИ

Статистик маълумотларга қараганда, бугунги кунда фибрибарлик, товламачилик, ўзганин ишончини суиестъмол қилиш каби жиноятлар тобора ортиб бормоқда. Оммавий ахборот воситалари, ижтимоий тармоқлар орқали чўв тушиб қолганлар ҳақида тез-тез ҳикоя қилиниб, одамлар огоҳликка ундалаётган бўлса-да, барибир фибрибарлар тузоғига тушиб қолаётганлар сафи кенгайиб кетаяпти. Айниқса, ер олиб бериш ва сотиш билан боғлиқ товламачилик ҳолатлари кўпаймоқда.

1964 йилда Тошкент вилоятининг Зангиота туманида туғилган, тайинли иш жойи бўлмаган М.Н. ҳам фибрибарликни «касб» қилиб олган устаси фаранглардан экан.

Жумладан, у ҳарбий қисмда ҳарбий хизматчи бўлиб ишлаб, 1995 йилда Россия Федерациясига доимий яшаш учун кўчиб кетган И.О.нинг тасарруфидаги Зангиота тумани, Деҳқонобод МФЙ, Мадааният кўчасида жойлашган 0,06 га тенг ер қаровсиз қолганини билиб, ушбу ер

майдонининг қарорини тергов жараёнида аниқлашнинг имкони бўлмаган вақт, усул ва ҳолатлар ёрдамида ўз номига қалбаки ҳужжат қилиб олган.

М.Н. ўзининг жиноий ҳаракатларини давом эттириб, фибрибарлик йўли билан моддий даромад орттириш мақсадида, жорий йилнинг 19 январь куни мазкур ер майдонини 3,5 исмли шахсга 5300 АҚШ доллари эвазига сотмоқчи бўлган. Қилишилган пулдан 2000 АҚШ долларини қўлга киритиб, ўзининг шахсий эҳтиёжлари учун ишлаб юборишга ҳам улгурган.

Бу билан М.Н. жиноят кодексининг 168-моддаси, иккинчи қисми «а» банди, 228-моддаси биринчи ва учинчи қисмларида назарда тутилган жиноятларни содир этган.

Мазкур иш юзасидан қўзғатилган жиноят иши бўйича тергов ҳаракатлари якунланиб, кўриб чиқиш учун жиноят ишлари бўйича Зангиота тумани судига юборилди.

Х.ЎРИНОВ,
Зангиота тумани ИИБ
хузуридаги
Тергов бўлими
бошлиғи, подполковник.

Худудий кенгашларда

Қорақалпоғистон Республикаси

«Хунарманд маркази» очилади. Бепул...



Фаол партиядошларимиздан бири, Чимбой тумани «Жипек жолы» маҳалласида яшовчи Қундуз Қурбанова ўз уйда хотин-қизлар учун бепул ўқув курси очиб, «Устоз-шоғирд» анъанаси асосида ўнлаб хотин-қизларга тикув-

чилик сирларини ўргата бошлади.

– Келгуси йили алоҳида «Хунарманд маркази» очиб, «Темир дафтар»га киритилган 50 нафар аёлни иш билан таъминламоқчиман, – дейди Қундуз опа биз билан суҳбатда.

Бухоро вилояти

Умиданинг таклифи билан умидлар ушалди...

Олий Мажлис Қонунчилик палатаси депутаты Умида Раҳмоновага Когон шаҳрилик бир гуруҳ аёллар муурожаат қилиб, шу масалада ёрдам сўраган эди-

лар. Шундан кейин депутат Когон шаҳар ҳокимига бўш иш ўринлари ярмаркасини ўтказиш таклифи билан чиқди.

Маълум бўлишича, яр-

маркада 60 га яқин корхона 400 дан ортиқ бўш иш ўринлари билан қатнашган. Энг асосийси, 22 нафар аёл ўзи учун муносиб иш танлаган.

Андижон вилояти

Арзонлаштирилган кўчма савдо ташкил қилинди

Партиянинг Қўрғонтепа тумани кенгаши етакчи мутахассиси Саидафзал Тошхўжаев ташаббуси билан туманининг «Бирлашган» МФЙда яшовчи эҳтиёжманд оилалар учун арзонлаштирилган кўчма ун савдоси ташкил этилди. Кўчма савдога чиқарилган 5 тонна ун бозорга қараганда 20 фоиз арзон нархда тақдим этилди. Бундай кўчма савдо-ларни бошқа маҳаллаларда ҳам ўтказиш режалаштирилмоқда.



Самарқанд вилояти



Тиббий кўрикка 200 киши...

Самарқандда «Тиббий маданиятни ошириш ойлуги» доирасида бепул тиббий-кўрик ташкил этилиб, унга хотин-қизлар саломатлигини яхшилашга ёрдам кўрсатиш мақсадида «Бунёд», «Чупон ота» ва «Ширин» МФЙларидаги хотин-қизлар жалб этилди.

Партия ташаббуси билан ташкил этилган кўрикка педиатр, невролог, эндокринолог, жарроҳ, гинеколог, кардиолог, лор, акулист, УЗИ, лаборатория ва бошқа тиббий йўналиш мутахассислари иштирок этиб, 200 нафарга яқин хотин-қизларнинг саломатлигини текширишди.



Яхши одамни таниб олиш осон: унинг юрагида дард,
юзида табассум бўлади.

Гилберт Честертон

Матбуот яшайди



Матбуотнинг кучи,
залвори ҳақида
кўп ўйлайман.

Мақсуд ЖОНИХОНОВ,
«Жамият» газетаси бош муҳаррири

тўлайдию, кунига миллион-миллион даромад топадиган телеграм каналлари давлатга бир сўм бермайди? Қани бу ерда мантқ? Ахир, улар ҳам шу халқнинг пулидан фойда кўряпти-ку...

Асл ОАВ ҳеч қачон пул илинжида бўлмаган. Одоб сўзи адабиётнинг ўзаги бўлганидек, чин матбуот ҳамisha адолатга, маърифатга хизмат қилган. Мен шу пайтгача газета ёки телерадио ишлаб, ойлиги билан бойиб кетган ижодкорни кўрмадим. Кўрганым одми, хокисор, камтаринлар бўлди.

Газета кимга керак, ҳозир интернет замони бўлса, газета нимани қойиллатапти, дейдиганлар кўп. Нашрлар – сайт эмас. Улардек тезкор ишлаш, бирор хабарни шу ондаёқ тарқатиш қийин. Аммо газеталарнинг сайтлардан устун ва афзал томонларидан бири шуки, чоп этилган бирор танқидий мақола учун бош муҳаррир кимлардандир гап эшитиши, ишдан кетиши мумкин, лекин мақолани олиб ташлашининг иложи йўқ. У қолади, юз йил, минг йилдан кейин ҳам туради. Айрим сайтларда эса кўряпти, баъзи танқидий материалларнинг умри бир кунга ҳам бўлмаяпти. Сайт раҳбари «тепа»дан танбех эшитса борми, ўша заҳоти ўчиради мақолани. Ваҳима билан тарқатилган мақолани излаш учун сайтга кирсангиз, 404 рақамли туради тиржайиб. Шу журналистикани, қани бу ерда ижтимоий позиция? Журналистикани танқид ушлаб туради, айтган, ёзган гапига жавоб бермаса, унинг учун курашмаса, бундай касб кимга, нимага керак ўзи?

Босма нашрларнинг «кетмони учмай» қолишига кўп ҳолатлар сабабчи.

Ўтган йилнинг бошида «Хуррият» газетаси уч-тўрт ой чикмай қолганида, устозлар, ҳамкасблар ўз муносабатларини билдиришди. Айниқса, ёзувчи ва муҳаррир Хуршид Дўстмухаммаднинг ёзганлари

аччиқ ва очиклиги билан ёдимда қолган. Устоз ўз мақоласида газеталарнинг чикмай қолиши ёки обунаси кескин тушиб кетишининг сабабларидан бири сифатида халқдан узоқлашиш деб айтган эди. Бу жуда тўғри гап. Яшириб нима қилдик, ўзимиз ишонмайдиган гапларни ёздик, бировларнинг номидан дил сўзлари тўқидик, Президент раҳнамолигида, бошчилигида деб бошланмайдиган мақолалар ўтмай қолди, натижада шу даражада маддоҳлик авж олдики, ўзимиз ишлайдиган газетани ўзимиз ўқишга бетимиз чидамасди. Биз худди пойафзал ишлаб чиқарадиган ишчилардек хафталик, ойлик режалар қилардик. Ҳозир ўйласам, қулгим қистайди: илҳом ва бирор туртки билан ёзилиши керак бўлган мақола олдиндан буюртма қилинса-я... Марказий нашрлардаги бу ҳолат вилоят, туман ва бошқа нашрларга ҳам юқди. Шундай бўлгач, бундай газеталарни ким ўқийди? Расмий матбуотдан зада бўлган одамлар кўплар сариқ матбуот деб атайдиган, аслида эса газетхонни кўп йиллар ушлаб турган нашрлар – «Даракчи», «Сўғдиёна», «Бекажон»га ўзини урди. Иши фақат мактов бўлган газетадан кўра бирор артистнинг ёки ўйинчининг ҳаёти билан танишиш ўқувчига маъқул келди. Кўрсатма шундай эди, деб ўзини оқлашга уринганларга ишонмайман. Зеро, Аббосхон Усмонов, Аҳмаджон Мелибоев, Жаббор Раззоқ, Хуршид Дўстмухаммад, Қулмон Очил, Карим Бахриев каби муҳаррирлар ҳар қандай ҳолатда ҳам газетани одам ўқийдиган қилиб чиқаришганига ҳамма гувоҳ.

Яхшики, бошқарув ўзгарди. Кейинги тўрт йилда чоп этилаётган нашрларда танқид, таҳлил авж олди. Маънавий-маърифий мақолалар сони кўпайди. Бироқ обунаси масаласи осилиб қолди. Ура-урачиликка йўрилган аввалги нашрлар қиёфаси

ҳозир ҳам ўзгармаган, деган кайфият халқимизни обунаси бўлишдек маърифий ишдан узоқлаштириб ташлади. Аввал «Мажбурий обуна» деган машина шунчалар галати ишлардики, натижада ош егиси келган одамнинг олдига лагмон, тухум ёмоқчи бўлган мардумнинг дастурхонига атала қўйиларди. Одамлар ўзи истамаган, корхона ва ташиқлотлар ўзлари учун мутлақо кераги бўлмаган газета ва журналларга обуна бўлишарди. Бу ҳолат ҳозирги кунда ҳам бор, афсуски. Маърифи келганда айтай, газетамизнинг беш олти ойлик таҳлили олиб бир катта ташиқлот раҳбарига бердим. Ўқинг, маъқул бўлса келаси йилга обуна бўласиз, бизнинг газетамиз ҳам обуна бўлишини уқтирдим.

Бугун амаллаб, янаям очик айтсак, азбаройи шарманда бўлмаслик учун чиқиб турган кўпгина нашрларнинг «жаноза»сини айримлар интиқлик билан кутаётганида, Президентимиз Шавкат Мирзиёев ўқитувчи ва зиёлиларга йўллаган мурожаатида газеталарнинг аҳамияти ва ўрни бекиёс эканлигини таъкидлашди, биз бундан беҳад қувондик. Нафақат соҳа ходимлари, сўзинг кадрини, саводнинг улуглигини, маърифатнинг чароғон эканлигини ҳис этган юртдошимиз борки, давлат раҳбарининг бу эътирофини чин юракдан олқишладим.

Босма нашрлар ва у ерда ишлаётган фидойи, камтарин ҳамкасбларга қанот берган сўзлардан кейин умид қиламизки, таҳриратлар албатта қўллаб-қувватланади, давр талабига мос тарзда соҳада такомиллашув рўй беради.

Бола эдик. Одамлар дала-дашдан кун бўйи бўшамайдиган даврлар эсимга тушади. Кунда-кунора қишлоққа газета ва журналларни олиб келадиган почтачи амаки обуна мавсумида сал ўзгариб қоларди. Чунки унга ҳамманинг иши тушарди-да. Энг камбағал оила ҳам ҳеч бўлмаганда уч-тўртта нашрга обуна бўларди. Ҳолбуки, ўша пайтларда одамларнинг аҳоли, яшаш тарзи ҳаминқадар эди. Телевизори, сайсхонасида иккита кўйи бўлса, бас у одам бахтиёр санарди ўзини. Аксарият уйлар шиферсиз бўлгани учун август-сентябрь ойларидан биз болалар ҳам том суваш ҳашаридан ортмасдик. Ҳашардаги гап сўзлар, албатта, бирор асар ёки газетада чоп этилган бирор мақола ҳақида бўларди. Туман газетасининг муҳаррири ҳеч кимга кўринмас, мабодо биронинг тўйига бориб қолсам, ўша тўй соҳибини уч-тўрт кун гердайиб юрарди. Чунки муҳаррир дегани

адолатнинг тимсоли эди. У ҳақни ҳақ, ноҳақни ноҳақ деб ёзгани боис одамлар орасида ўзи ҳам, газетаси ҳам обрўли ҳисобланарди.

Қодирийни, Айтматовни, Қаҳҳорни, Ойбекни, Фахур Гуломни, Абдулла Орипову Эркин Воҳидовни китоблардан, газеталардан таниб, ўқиб, уқиб улғайган авлоддан исталган одамни тўхтатиб, диктант ёздиринг, битта ҳам хато қилмайди. Тўйда сўз беринг, шеърсиз гапирмайди. Маъракада дуо қилдинг, эсингиздан чиқмайдиган фотиҳа ўқийди. Чунки савод зўр, фаросат жойида. Бу нимадан? Газета, китоб ўқиганликдан!

Бугун эса, тан олайлик, ёшларимиз чаласавод, оғзига нима келса валдирайдиганларга эргашаяпти. Ижтимоий тармоқларда танилиш, мактов эшитиш учун ҳеч нарсдан тоймаётган, айримлар. Уларга эргашаётган болаларнинг ўзини тутишини кўринг, гапига қулоқ солинг, ҳар икки жумланинг биттаси «онангни...» билан

Қорақалпоғистон тиббиёти

ХАЛҚИМИЗНИ РОЗИ ҚИЛИШ – БОШ МАҚСАДИМИЗДИР

Таъкидлаш жоизки, бугунга келиб тиббиётимиз олдига қўйилган асосий мақсад биринчи навбатда, тиббий хизмат сифати ва самардорлигини замон талаблари даражасига кўтаришга эришидир. Яъни, бундан буён соҳадаги ўзгаришлар статистик маълумотлар билан эмас, балки одамларнинг тиббий хизматга қандай баҳо бериши, халқимизнинг замонавий тиббий хизматлардан қай даражада кўнгли тўлаётгани билан баҳоланадиган бўляпти. Шундан келиб чиқиб, бирламчи тиббий хизмат кўрсатишни яхшилаш мақсадида 69 та қишлоқ оилавий поликлиникаси фаолияти йўлга қўйилди. Уларда аёллар маслаҳатхонаси, қизлар саломатлиги хонаси, тез ёрдам шахобчаси ва ижтимоий дорихона каби бўлимлар очилди.

Халқ энг кўп мурожаат қиладиган соҳа – шошилинч ва тез тиббий ёрдам хизмати фаолияти ҳам янги босқичга кўтарилмоқда. Хусусан, 2017-2019 йилларда тез тиббий ёрдам тизими 84 та янги «Дамас», 18 та замонавий реанимобил билан таъминланиб, жами ихтисослашган автомашиналар сони 167 тага етказилди.

2017 йилда дори-дармонлар ва тиббий буюмлар билан таъминлашга давлат бюджетидан 19,7 миллиард сўм ажратилган бўлса, 2018 йилда бу кўрсаткич 41 миллиард, 2019 йилда эса 48,9 миллиард сўмни ташкил

эди. Яъни, молиялаш ҳажми 2017 йилга таққослаганда 3 мартага ортди.

Касалхоналар қуриш ва таъмирлашда ҳам янги чарашлар шаклланыпти. Масалан, сўнгги 18 йил ичида 61 та тиббий муассасани таъмирлашга 205 миллиард сўм сарфланган бўлса, охириги 3 йилдагина 73 та объектга 162,7 миллиард сўм сарфланиб, улар замонавий қиёфа касб эди. Айни вақтда ҳам жорий йилги инвестиция дастури қўрсатилган 14 та тиббий муассасасида 34,1 миллиард сўмлик қурилиш-таъмирлаш ишлари олиб борилмоқда.

Маълумки, Республика-миздаги салмоқли ўрнига эга бўлган тиббий муассасалар бу – Республика кўп тармоқли тиббиёт маркази, хирургия, сил касалликлари шифохонаси, Оролбўйи аҳолисини юрак қон-томир касалликларидан соғломлаштириш маркази ва Республика шошилинч тиббий ёрдам илмий маркази Нукус филиали ҳисобланади. Айни пайтда ушбу муассасаларда олиб борилган қурилиш ишлари натижада халқимизга кўрсатилмаётган тиббий хизмат сифати янада яхшиланди.

Қорақалпоғистон тиббиёт институти клиникасини очиб ва ўқув биносини реконструкция қилиш ишлари ҳам ниҳоятга етказилиб, йил охирига тиббий усуналар билан жиҳозлаш ишларини якунлаш чоралари кўрилмоқда.

2019-2020 ўқув йилидан бошлаб ушбу институтда Санкт-Петербург давлат пе-

диатрия университети билан ҳамкорликда халқроқ факультет иш бошлаётгани эса тиббиёт соҳасида малакали кадрлар тайёрлаш тизимини жабон андазалари даражасига олиб чиқиш имконини беради, албатта.

Шу ўринда жорий йилнинг ўтган 8 ойида даволаш муассасаларига 13,3 миллиард сўмлик тиббий буюмлар келтирилганини, йил охирига қадар яна 58 миллион АҚШ доллари миқдоридидаги тиббий асбоб-усқуналар етказиб берилиши кутилаётганини таъкидлаш жоиз.

Албатта, замонавий тиббиётни юқори технологиялар-сиз тасаввур этиб бўлмайди. Шунинг учун ҳам мамлакатимизда ривожланишнинг инновация йўлидан бораётган давлатлар тажрибасига таянган ҳолда, «Ақлли тиббиёт» тизими ишлаб чиқилмоқда. Бу эса касалликларни олдиндан аниқлаш, уларни масофадан туриб ҳам профилактика қилиш имконини берувчи илгор тизим ҳисобланади.

Қорақалпоғистонда хусусий тиббиётни ривожлантиришга ҳам алоҳида эътибор қаратишмоқда. Натижада бугунга келиб хусусий тиббиёт муассасалари сони 33 тага етиб, уларнинг 7 таси хизмат доирасини кенгайтирган ҳолда фаолият олиб бораёпти.

Масалан, ўтган йили «NUKUD-MED» МЧЖ томонидан Хитойнинг «SHENZHEN ANKE HIGH-TECH CO. LTD» компанияси билан ҳамкорликда 442 миң АҚШ доллари миқдоридидаги

инвестиция киритилиб, замонавий тиббий усқуналар олиб келинди. Вазирлик балансидаги фойдаланилмай турган иккита бино эса «MEDICAL CENTER» ва «BERUNI INNOVATION DMCLINIC» МЧЖларига «ноль» қийматда берилиб, уларда ҳам хусусий тиббий хизмат кўрсатиш йўлга қўйилди.

Аҳолига ихтисослаштирилган хизматни яхшилаш бўйича ҳам зарур чора-тадбирлар кўриляпти. Натижада мураккаб жарроҳлик амалиётлари ҳам муваффақиятли олиб борилмоқда. Шу ўринда республика ихтисослаштирилган марказларининг Қорақалпоғистондаги филиаллари томонидан аввал жорий этилмаган 12 турдаги юқори технологияли даволаш усқунлари татбиқ этилганини таъкидлаш жоиз.

Масалан, юрак қон-томир касалликлари марказида 113 нафар фуқарога коронаграфия, 52 нафарига юрак тож артериясини стентлаш, 8 нафарига кардиостимулятор ўрнатиш бўйича хирургик амалиёт ўтказилди. Туман, шаҳар тиббиёт бирышмалари ҳузурида эса 25 та ихтисослаштирилган бўлимлар очилди.

Замонавий тиббиёт ва бу соҳадаги ўзгаришлар ҳақида гап кетганида, Қонлиқўл тумани ва Нукус шаҳри аҳолисига бирламчи тиббий-санитария ёрдами кўрсатишининг ахборот-коммуникация тизимлари га уланган намунали тизимни ўрнатиш ишлари якунланаётганини айтиш жоиз.


Дунё тиббиёт тизимини жиддий синовларга дучор қилаётган коронавирус пандемияси даврида тизим ходимлари янада жиқлашиб, бирдамликда ҳаракат қилишларига тўғри келди. Тез фурсатда кўплаб инсонларнинг ҳаётига таҳдид солган бу балодан фуқароларни асраш, касалликка чалинганларни соғломлаштириш, аҳоли орасида эса профилактика чораларини қатъий талаб асосида олиб бориш бўйича йўлга қўйилган фидокорона ишлар бугун ҳам давом эттирилмоқда.

Таъкидлаш жоизки, ўтган ойларда республика даволаш муассасаларининг деярли барчаси коронавирус билан касалланган фуқароларни даволаш ўрнига айлантирилган эди. Давлат томонидан касаллиги аниқланган фуқароларнинг бепул тиббий

ва ижтимоий хизмат билан таъминланиши, уларни соғлом ҳаётга қайтариш йўлида имконият ва шарт-шароитлар яратилиши, шу билан бирга, фидойи ва жонқуяр тиббиёт ходимларимизнинг оғир меҳнати натижасида республика миздаги эпидемиологик ҳолат тобора муътадиллашиб, аксарият даволаш муассасалари яна ўз ихтисослашган йўналишларига қайтмоқда.

Мухтасар айтганда, бугун Қорақалпоғистон тиббиётини ўзгаришлар ва янгилаштириш жараёнини бошдан кечирмоқда. Асосий мақсадимиз эса халқимизнинг тиббиётга бўлган эҳтиёжини қондириб, уларнинг розилигини олишдир.

Мурад ҚУРБАНОВ,
Қорақалпоғистон
Республикаси Соғлиқни
сақлаш вазири





Тўғри деб ўйланилган қанчадан-қанча нарсалар бўладики, улар аслида тўғри бўлмай, балки фақат хатолардан иборат бўлади.
Абу Али ибн Сино

НОҲАҚ ОТИЛГАН

1922 йилнинг кузида Германияга таҳсил олиш учун Бухоро Халқ Совет Республикаси (БХСР) томонидан юборилган 55 нафар талаба орасида Баҳовуддин Аминжонов ҳам бор эди.

Баҳовуддин 1904 йили Бухоро шаҳрида мударрис хонадонидан таваллуд топган. Отаси Аминжон Зиевуддинов «Еш бухороликлар» фирқаси (партияси)нинг фаолларидан бўлиб, Бухоро тарихи билимдони эди. Аминжон Зиевуддинов 1920 йили амрикленинг ағдарлиши натижасида вужудга келган БХСРда нуфузли вазифаларда ишлаган.

Баҳовуддин дастлаб жадид мактабидан савод чиқарди, сўнг мадраса таълимини олиб форс, араб тилларини мукамал ўрганган.

1922 йилнинг кузида отаси Баҳовуддинни Германияга таҳсил олишга юборди. Бухоро хукумати томонидан Германияга юборилган талабалар учун масъул этиб тайинланган Олимпон Идрисийнинг маълумотига кўра, табиатан назик Баҳовуддин Германияда бир қанча вақт даволашнишга мажбур бўлган, лекин ўзи билан борган ўқувчилар ўртасида ўта иқтидорлиги билан ажралиб турарди.

У аввал Азиз Хўжа, Саттор Жаббор, Вали Қаюмлар билан хусусий ўрта мактабда таълим олди. Шундан сўнг тиббиёт соҳасида таълим олишга киришди ва Берлин университетининг тиббиёт факультетиде ўқишни давом эттирди.

Баҳовуддин ватанда мавжуд огир иқтисодий-ижтимоий аҳволдан жуда яхши хабардор эди. Минтақада сил каби юқумли касалликлар авж олиб кетган, совет давлатида эса унга қарши кураш учун на пул, на тиббий хизмат курсатиш муассасалари бор эди.

Шунинг учун, Баҳовуддин Туркистон матбуотининг тўғричилигини билган «Ер юзи» журналидаги ўз чиқишларида инсон соғлиғи учун энг зарур ва энг камхарж йўл сифатида жисмоний тарбия масаласини илгари суради. У халққа мурожаатида: «...Соғлиқни сақлаш илми бизга айтадир ким, одамнинг соғлиғини сақлаш учун кўп ва яхши ҳаракат қилиш, баданга фойдалиқ овқатлар олиш, фойдалиқ материаллардан кийим кийиш, уй-жойни ёрув ва тоза ҳаволиқ қилиш керак» деб ёзган эди.

«Бизнинг бутун танзимнинг огирлиғи, туғулгондан тамоман катта бўлгунча йигирма бир мартаба огир бўлади... Яъни, бола

туғилгон вақтида унинг таном огирлиғи беш қадоқ бўлса, бундан тақрибан икки қадоғи азала (мускул)лардир. Бу бола ўсиб бир юз беш қадоқ огир бўлганда, унинг ёлғиз азалалари етмиш сақиз қадоқ бўлади. Мана бунга қараганда, азалаларнинг бошқа тан аъзоларига қараганда қанча кўп ўсишга муҳтож бўлгани кўрилади.

Азалаларни ҳаракат қилдирмасак, ҳаракатнинг озлиғи ва бадан ҳаракатларидан қочиб юзасидан бизнинг ақлимиз ва табиатимизнинг кучи озаядир, ҳам биз ҳаётнинг яхшиликларини кўра олмаймиз. Азалаларни яхши, ўзини кучлик ва мунтазам ҳаракат қилдириш юзасидан бизга тозалик, кучлик, куч ва шодлиқ келадир. Лекин, бир шарт бор: бадан тарбияси билан амалий суратда машғул бўлмоқ керак», дейди ёш талаба.

Кейинги мақоласида у амалий тавсияларга ўтади: «Тан ҳаракатларининг бизга тегадургон фойдаларидан бири ва муҳими инсоннинг нафас олиш аппаратида, умуман нафас олишга ва қон юришига бўлган таъсиридир. Биз тан ҳаракатлари қилиб аъзоларимизни ишлаттирганимизда уларга кўпрак ҳаво, тўғрироқ айтганда ҳавонинг бешдан бир бўлағи бўлган «муваллид ул-ҳамуз» (кислород) ҳози (гази) керак бўлади ва буни эса биз ўпкамиз орқали оламиз.

Биз қанча кўп тан ҳаракати, испурт қилсақ шунча кўп нафас оламиз. Бу эса бизнинг фойдамиздир. Биз томошага чиқиб бир икки чақирим юрсак, нафас олишимиз одатдагидан икки ярим мисли ортадир. Узоқроқ вақт, бир, икки соат юрсак, тўрт-беш мисли, агар тоғларга чиқсак олти мисли, тез чопсак 12 мисли ортадир... Юриш, чопиш, тоққа чиқиш каби ҳаракатлар билан ихтиёрсиз кўпроқ нафас олиш ўрнига, ўзимиз уйдан ташқарига чиқиб қаттиқ-қаттиқ нафас олсоқ ҳам бўлади...

Ўпкамиз кучлик бўлса, ҳар хил ёмон касалликларнинг микроблари ўпкамизга кирганда унда жон ола олмайди ва ўпкамиз бу микроблар билан муваффақиятлиқ суратда курашади.

Бу касалликларнинг бири ва энг ёмони тубиркулўз (сил) дир. Ўпка кучлик ва соғ

бўлганида бу микроблар ҳеч нарсани қила олмайди ва биз соғ қоламиз. Мана, тан ҳаракатлари вужудни, ўпкаларимизни соғлом қилади, ҳар хил касалларга муқобала қилишда қуролланган бўлади.

1928 йилда совет ҳукумати Баҳовуддинга ўқий учун стипендия беришни тўхтатди. У мавжуд вазиятда туркистонлик талабаларнинг етакчилари Аҳмад Наим, Саттор Жаббор, Саид Али Хўжаларга маслаҳат солди. Улар тахсилни тугаллаш мақсадида маблаг топиш имкониятларини кидира бошлайдилар.

Хусусан, Аҳмад Наим Польша элчихонасига бориб, Баҳовуддин Аминжоновга ўқишни тугатиши учун ёрдам сўрайди. Улар буни СССРнинг Германиядаги ваколатхонасидан яширишга қарор қилгандилар. Чунки, бу пайтда СССР ваколатхонаси талабаларнинг ҳамма ҳаракатларини кузатувга олиб, уларни таълимни тугатмасдан қайтариб юбориш учун барча чораларни кўраётган эди.

Баҳовуддин 1929 йилнинг январь-февраль ойларида Варшавада бўлиб, Польша ҳукуматидан ёрдам олишга эришди. У қувончи хабар билан Берлинга қайтганида, воқеалардан хабар топган совет маъмурлари уни куч билан Ўзбекистонга қайтариб юборадилар.

СССРга қайтган Баҳовуддин 1931 йили Ўрта Осиё Медицина институтини якунлади ва дипломи олиши билан ишга – Ялтадаги «Ўзбекистон» санаториясига йўланма олди. Аммо беш йил хизмат қилиши ортидан ишдан олиниб, Тошкентга юбориладди. Тошкентдаги Республика тубдиспансери, яъни сил касаллигини даволашга ихтисослашган шифхонада иш бошлаган Баҳовуддин эндигина 33 ёшли қаршилаган онларида, 1937 йилнинг январиде уни шўро жаллодлари йўқлаб келадилар.

1937 йилнинг 24 январиде Баҳовуддин Аминжонов 1922-29 йилларда Германия ва Польшада ўқиган, «Мустақил Туркистон» аксилсовет ташкилотининг аъзоси, Польша разведкасига жосуслик мақсадида ёлланган, деган тухматлар билан қамоққа олинди. Унинг ортидан тур-



ШИФОКОР

билан айбдор деб топилгани қайд этилган.

1938 йилнинг 9 октябрида «учлик» судининг мажлиси атиги 15 дақиқа давом этади. Ва, Баҳовуддин Аминжоновга ўлим жазоси тайинланади... Хукм ўша кунлик ижро этилади.

Тўғри, Баҳовуддин Аминжоновнинг иши унинг турмуш ўртоғи Танзила Аминжонованин аризаси асосида қайта кўриб чиқилади. Аммо..

1961 йили Самарқанд шаҳридаги фабрикада ишлаган Танзила Аминжонова сўроққа чақирилган. У эрининг НКВД ходимлари томонидан 1937 йилнинг январиде қамоққа олингани ва орадан 9 ой ўтгач, уни ўзи ҳам қамоққа олингани айтиб беради.

Танзила Аминжонова ҳам 18 ой давомида қамоқда сақланган.

«Бирор марта сўроқ савол бўлмади, фақат узоқдан икки марта мени Баҳовуддинга кўрсатишга, аммо сўзлашишга имкон беришмади. Кейин қамоқдан чиқариб юбордилар», – дейди Т.Аминжонова.

Бу совет терговчиларининг айбланувчиларнинг яқинларига таҳдид солиб, сохта баённомаларга имзо чекиши учун қўллаган усули эди.

«Эрим ўта илмли, виждонли ва маданиятли инсон эди. Унинг ҳалоллиғи ҳақида барча танишларидан сўранглар, ахир улар орасида тириклар бор-ку!» деганди Танзила Аминжонова.

1961 йили бўлиб ўтган сўроқда Республика тубдиспансери директори, тиббиёт фанлари доктори, профессор Алимов Шокир Аминовни Баҳовуддинни шундай эслаган:

«1936-37 йилларда Республика тубдиспансерида ординатурада бўлган эдим. Ушанда Баҳовуддин Аминжоновни кўрганман. Мен бундай билимдон, масъулиятли, талабчан, ғайратли ва меҳрибон инсонни ҳеч қачон кўрмаганман. У қиска вақтда бутун жамоанин хўрматини қозониб улгурган эди. Бундай яхши одам кам бўлади».

1961 йилнинг 18 апрелида Москвада СССР Олий Суди ҳарбий коллегиясининг навбатдаги мажлисида Баҳовуддин Аминжонов тўлиқ оқланади.

Баҳром ИРЗАЕВ,
тарихчи

муш ўртоғи Танзила ва 3 ёшли қизи Суриялар қон йиғлаб қолдилар.

Дастлабки сўроқданок унинг тахсилни тамомлаш мақсадида пул топиш учун Польшага бориши воқеаси зўр аксилсовет фаолият сифатида кўрилади.

НКВД терговчилари томонидан тайёрланган сўроқ баённомасига кўра, унинг Берлин шаҳрининг Шенеберг туманидаги Хауптштрассе кўчаси, 96-уйда яшовчи Артур Меркшга қўнғироқ қилгани, Германияда ўқийётган дўсти Афзал Абдусамидга хат ёзгани, 1931 йил Саттор Жабборнинг Германиядан қайтиб, биринчи бўлиб Баҳовуддиннинг уйига боргани каби ҳолатлар жосуслик фаолияти сифатида талкин этилади.

Аслида эса Баҳовуддин 1922-25 йилларда сўғурта жамияти раҳбари Меркшнинг уйида ижарада турган эди.

Улар йиллар давомида яқин дўст тутинган ва Артур Меркш Баҳовуддинга «уйингга эсон-омон этиб борсанг, албатта қўнғироқ қилиб қўй» деб тайинлагани учун бир марта қўнғироқ қилган эди.

1937 йилнинг ёзида Баҳовуддин Аминжонов Тоштурма касалхонасидан СССР НКВД Генерал Комиссари Николай Ежов номига ариза йўллади.

Унда у ҳеч бир айби йўқ ҳолда қамоққа олингани, терговлар ноқонуний тарзда, тўлиқ зулм остида олиб боририлганини ёзади. Натижада силнинг ўта огир формаси билан касалланиб, икки ойдан буён турма касалхонасиде ётганини, бу ерда кун сайин ўлими яқинлашаётгани маълум қилади.

У ёш шифокор экани ва келажакда ватан учун хизмат қилиши мумкинлигини айтиб, тубдиспансерда давооланишга руҳсат сўрайди. Турма касалхонасиде ҳеч бир шароит – на врач, на дори бор эди. Аммо унинг аризаси ҳеч жойга чиқмасдан «дело»га тикилади.

Аминжоновнинг айблов баённомасида у ЎзССР Жиноят Кодексининг 57 моддаси I-қисми (Ватанга хиёнат, ҳарбий ва давлат сирларини сотиш, шпионаж), 64-(Совет давлатига қарши теракт), ва 67-(аксилкилобий ташкилотга аъзолик) моддалари

Кутинг!

Ниҳоят кўзбўямачи раҳбар Шерзод Қасанов бошлаган ишини якунлаб, сув чиқариб берадиган бўлди...

«Тўппонча»
ДЕПУТАТ

қелгуси сонларда

Дунё имомининг машҳур устози

Юртимиз қадимдан улуг алломалари, олиму фузалари билан бутун дунёга донг таратган. Дунё илмфани тараққийига Хоразмий, Беруний, Ибн Сино қанчалик катта ҳисса қўшган бўлса, динимиз равнақи йўлида Имом Байқандий, Имом Бухорий, Имом Мотуридид, Имом Термизий, Бурҳониддин Марғиноний каби улаомларнинг хизматларини ҳеч нарсани билан таққослаб бўлмайди.

Булар орасида, айниқса, ҳадис илмига катта ҳисса қўшган улаомларнинг ҳаёти ва фаолияти бевоёси Имом Байқандий билан боғлиқ, десак хато бўлмайди. Чунки Имом Байқандий дунё имоми – Имом Бухорийнинг устозидир. Мовароуннахр муҳаддисларининг энг дастлабкиларидан бири Имом Байқандий ҳисобланади. Унинг исми Муҳаммад ибн Салом ибн Фараж Бухорий, Абу Абдуллох Байқандийдир. У ҳижрий 162, милодий 769 йили Бухорининг Байқанд (Пойканд) шаҳрида таваллуд топган.

Байқандий умрининг дастлабки йилларида тижорат билан шуғулланган. Сўнг ҳадис илмини ўрганишга рағбат қилади. Илм талаби йўлида Ислам ўлкаларига сафар қилади. У Сафари

Бухорога қўшни Хоразмдан бошлади. У ерда Абдулқарим ибн Асвад Басрий ва Муғйира ибн Мусодан илм ўрганади.

Дарё орти мамлакатларида барча илмларни эгаллаганидан сўнг у Ислам оламининг маркази – Бағдодга йўл олади. У ерда Абу Аҳвас Салом ибн Салим, Абу Исҳоқ Фазорий, Суфён ибн Уяйна ва бошқа улаомлар суҳбатиде бўлади.

Муҳаммад ибн Салом Ҳижоздан Мисрга сафар қилиб, у ерда Али ибн Жаъд, Ҳасан ибн Сувар ибн Суварлардан илм ўрганган. Таъкидлаш жоизки, Ибн Салом илм олишга жуда ҳарис бўлган. Унинг ҳаёти давомида кизиқарли воқеалар ҳам содир бўлиб турган. Жумладан, Имом Заҳабий «Тарихул Ислам» китобида ёзишича, Муҳаммад ибн Салом илм мажлисларининг бирида қаламини синдириб қўйди ва бир динордан қалам сотиб олишини айтиб, жар солдиради. Шунда унга қаламлар учиб келади.

У ўзи ҳақида бундай дейди: «Илм олиш йўлида қирқ минг ва уни тарқатиш учун яна қирқ минг динор сарфладим» (Ибн Сафадий, "Ал-вофий бил вафиёт", 3/96).

Ибн Салом илм олишга муҳаббат билан кириб келди ва унга бу йўлда

мол-дунёнинг қизиги бўлмади. У бундай дейди: «Қирқ йил мобайнида Байқандийнинг бозорига ўтирмадим». Шу билан бирга, у Заҳабий айтганидек, мол-мулк эгаси бўлган камтар инсон эди ("Сиярул аълом ан-нубало", 10/629).

Муҳаммад ибн Салом Байқандий Ислам оламини ишончи муҳаддис сифатида шуҳрат қозонди. Унинг ҳузурига илм толиблари кўп келишиб, у олимнинг илмидан сипқориб, хулқидан ибрат олишди.

Имом Байқандий ҳижрий 225, милодий 839 йилнинг декабрь ойида яқшанба куни Мисрда вафот этди.

Хулоса шуки, Муҳаммад ибн Салом Ислам оламининг улуг масканларида бўлди ва замонасининг кўплаб машо-ийхларидан дарс олди. Ҳатто, Заҳабий айтганидек, унинг устозларининг сони 400 нафаргача этади. У дарё орти мамлакатларидан тортиб Мисргача бўлган узоқ давом этган дунё буйлаб сафариде кўплаб ҳадислар тўплашга муваффақ бўлди.

Мансур ўРОЛОВ,
Имом Бухорий номидаги Тошкент
ислом институти
3-курс талабаси

Оқимга қарши сузиш учун балиқ кучли бўлиши керак, оқим бўйлаб сузишни ўлик балиқ ҳам эглай олади.

Жон Кроу

МАДУРО ИСТЕЪФОГА ЧИҚАДИМИ?



Венесуэла Президенти Николас Мадуро мамлакатда ўтадиган парламент сайловларида мухолифат ғалабага эришса, ўз лавозимини тарк этишини маълум қилди.

«Агар ғалаба қилсак, биз олға интилишда давом этамиз, лекин шуни ҳам айтишим лозимки, тақдирим сизларнинг қўлингизда, агар мухолифат ғалаба қозонса, мен истеъфо бераман, тақдирим Венесуэла халқининг қўлида», – деди Мадуро давлат телевидениеси орқали халққа мурожаатида.

Венесуэланинг бир палатали парламенти бўлмиш Миллий ассамблеяга сайловлар 6 декабрда бўлиб ўтади. Унда 107 та сиёсий партия ва бирлашма иштирок этади. Парламентнинг собиқ спикери Хуан Гуаидо иштирокидаги мухолифатчилар блоги сайловда иштирок этмаслигини эълон қилган.

Венесуэлада 2019 йил январь ойида президент Мадурога қарши оммавий норозиликлар бошланганди. Ушанда Миллий ассамблея спикери Гуаидо ўзини мамлакат раҳбари деб эълон қилди. АҚШ раҳбарлигидаги бир қатор фарб давлатлари Гуаидони президент сифатида тан олди. Ўз навбатида, Россия, Хитой, Туркия ва бошқа давлатлар Мадурони қонуний президент сифатида қўллаб-қувватлаб келмоқда.

ЎЗА



Яқин йиллар ичида Навоий вилоятининг Нурота тумани хорижлик сайёҳлар ташрифи бўйича мамлакатимизнинг энг олди ҳудудлардан бирига айланади... Нурота тумани ҳокими Умарбек Халиловнинг таъкидлашича, биргина Александр Македонский томонидан барпо этилган тарихий тепалик дунёнинг бирон бир мамлакатида учрамайдиган ноёб осори атиқалардан саналади... Шунинг учун ҳам замонавий меҳмонхоналар, текис ва равон йуллар қуришга алоҳида эътибор қаратаямиз. Яқинда...

Келгуси сонларда



Саïда ЗУНУНОВА

Чўли ироқ

Тарихни сўзлама менга, эй одам, Битта чалиб бергин «Чўли ироқ»ни. Битта чалиб бергин, токи яна ҳам Яхшироқ ажратай қорани, оқни.

Бу куй асрларнинг баридан тортиб Чўлларда толиққан хоргин карвондай, Минг хил тақдирларни устига ортиб, Қалбимдан жимирлаб ўтади қондай.

Тарихнинг энг олис қатламларида Армонда ухлаган орзу-аламлар. Дунё манглайига ажин туширган, Дардни, қариллини яратган ғамлар.

Сахро чечагининг аянч кулгуси, Ёмғирдан жон кирган тупроқнинг иси, Ҳаммаси ўтади қалбимни ўйиб. Туя бўйнидаги қўнғироқларнинг Ташналик эслатган жаранги бўлиб Ҳаммаси ўтади қалбимни ўйиб.

Тарихни сўзлама менга, эй одам, Битта чалиб бергин «Чўли ироқ»ни. Битта чалиб бергин, токи яна ҳам Яхшироқ ажратай қорани, оқни.

Ҳаддидан ошганга уни чалиб бер, Дўстлар дийдорини ғанимат билмай, Саробга шошганга уни чалиб бер! Чалиб бер, чалиб бер, андиша қилмай. Ўтмишни сўзлама, ўгит қаракмас, Шу куйни бир марта чалиб берсанг бас.

Йўқламаган ҳар кунинг йилча бўлурми, ҳай-ҳай, Шунчалик шафқат билмас дилча бўлурми, ҳай-ҳай.

Хуш суратинг бир нафас тарк этмас хаёлимни, Кўз шахло-ю, қош эса нилча бўлурми, ҳай-ҳай.

Ҳар сўзда юз андиша қилғум донолигингдан, Қўнглиннинг нозиклиги қилча бўлурми, ҳай-ҳай.

Гоҳ ханжар, гоҳ асалдек сўзларингдан доғдамен, Жон олиб, жон бергувчи тилча бўлурми, ҳай-ҳай.

Васлингнинг умидида дунёдан ўтиб боргум, Қаноатда Саïда филча бўлурми, ҳай-ҳай.

Ўтганларнинг охирати обод бўлсин!

Ўзбекистон «Миллий тикланиш» демократик партияси халқ депутатлари Косонсой тумани Кенгаши депутати

ИЛҲОМЖОН ҲАМДАМОВнинг бевақт вафоти муносабати билан унинг оила аъзолари ва яқинлариغا чуқур ҳамдардлик билдиради.



ЧОЙХОНА ПАЛОВ УЧУН СУНЪИЙ ГҶШТ...

Бировга гапирсанг ишонмайди. Аммо бир неча йиллардан бери билиб-билмай одамлар кўнглига шубҳа ва иккиланишлар уруғини «экиб» келганлар ниҳоят ўз ниятларига эришибдилар чоғи...

«Регнум»нинг хабар қилишича, ўтаётган ҳафтада дунёда биринчи бўлиб Сингапурда АҚШнинг «Eat Just» компанияси томонидан лаборатория шароитида ишлаб чиқарилган гўштнинг тижорий савдосига рухсат берилибди.

Қайд этилишича, бу ҳақда мамлакатдаги озиқ-овқат маҳсулотлари бўйича агентлик матбуот хизмати ахборот тарқатган.

«Билдирилган таклифларни баҳолаш ва унинг хавфсизлиги билан боғлиқ тадқиқотлардан кейин «Eat Just» компаниясида ишлаб чиқарилган товуқ гўшти сотувига рухсат берилди», дейилади маълумотда. Агентлик раҳбари Тан Ли Кимнинг айтишича, унинг ходимлари янги гўшт турининг бозорларга чиқарилиши ва савдоси бўйича кузатувлар олиб боради ҳамда экспертлар билан унинг хавфсизлик даражаси бўйича қўшимча текширувларни ўтказди.

Бир сўз билан айтганда, сунъий, яъни кимёвий бирикмалар асосида «туғилган» гўшт савдога чиқариляпти. Бу аслида гўштнинг мазасини берадиган резинка энди қозонларимизни қиздиришини аналтади. Бу кетишда кўп ўтмай чойхона паловларимиз ҳам резинада тайёрланиши мумкин, деганидир.

Вилоятхон ШОДИЕВА тайёрлади.

A crossword puzzle grid with various words filled in, including 'Миллий тикланиш', 'Саробга шошганга', 'Чалиб бер', 'Йўқламаган', 'Шунчалик', 'Хуш суратинг', 'Кўз шахло-ю', 'Ҳар сўзда', 'Гоҳ ханжар', 'Жон олиб', 'Васлингнинг', 'Ўтганларнинг', 'Ўзбекистон', 'Илҳомжон Ҳамдамовнинг', 'Бевақт вафоти', 'Муносабати', 'Унинг оила аъзолари', 'Ва яқинлари', 'Чуқур ҳамдардлик билдиради'.

ОБУНА – 2021! «МИЛЛИЙ ТИКЛАНИШ» ГАЗЕТАСИГА ОБУНА БОШЛАНДИ! 158 Обуна индекси

ЎЗБЕКИСТОН «МИЛЛИЙ ТИКЛАНИШ» ДЕМОКРАТИК ПАРТИЯСИНING ИҚТИМОНИЙ-СИЁСИЙ ГАЗЕТАСИ

ЖАМОАТЧИЛИК КЕНГАШИ: Алишер ҚОДИРОВ – кенгаш раиси, Акмал САИДОВ, Абдулазиз АККУЛОВ, Аброр ПЎЛАТОВ, Амридин БЕРДИМУРОДОВ, Бахтиёр САЙФУЛЛАЕВ, Илҳом АБДУЛЛАЕВ, Минхожиддин МИРЗО, Нодир МУХТОРОВ, Отабек ЖИЯНБОЕВ, Озодбек НАЗАРБЕКОВ, Ортикали ҚОЗОҚОВ, Феруза МУҲАМЕДЖАНОВА, Хуршид ДЎСТМУҲАММАД, Шерзодхон ҚУДРАТХЎЖАЕВ, Шавкат ШАРИПОВ, Шухратжон АХУНДЖАНОВ. Бош мухаррир: Миродил АБДУРАҲМОНОВ

ТАХРИРИЯТ МАНЗИЛИ: Тошкент шаҳри, Миробод тумани, Буюк Турон кўчаси, 41-уй. Газета тахририят компьютер марказида терилди ва саҳифаланди. Муаллифлар фикри тахририят нуктаи назаридан фарқ қилиши мумкин.

Тахририятга келган хатлар доимий эътиборимизда бўлиб, улар муаллифларига қайтарилмайди. Навбатчи муҳаррир: Равшан МАХМУДОВ. Навбатчи: Вилоятхон ШОДИЕВА. Дизайн: Маъмуржон ҚУДРАТОВ. Электрон почта: mtiklanish@bk.ru / mtiklanish@mail.ru. ТЕЛЕФОНЛАР: Қабулхона (факс): (0-371) 232-12-03, +99897 741-20-22, +99897 755-10-11

Газета «SHARQ» нашриёти-мағбаа акциядорлик компаниясида чоп этилди. Корхона манзили: «Буюк Турон» кўчаси, 41-уй. 2008 йил 29 октябрда Ўзбекистон Матбуот ва ахборот агентлиги томонидан № 0223 рақами билан рўйхатдан ўтган. Газета ҳафтаининг чоршанба кўни чиқади. Адаби – 2809. Газетанинг баҳоси келишилган нарҳда. Қогоз бичими: 350x587. Ҳажми: 4 босма табоқ. Буюртма – 1226. Босишга топшириш вақти 21.00. Топширилди 3:50. ISSN 2010-7714 123456